



მენორა

გამოდის
1993 წლის
მარტიდან

ღამოუკიდებელი ებრაული ბაჰეში საქართველოში

„MENORA“ INDEPENDENT JEWISH NEWSPAPER IN GEORGIA

מנורה

„МЕНОРА“ НЕЗАВИСИМАЯ ЕВРЕЙСКАЯ ГАЗЕТА В ГРУЗИИ

მაისი
(იარი)
№5 (391)
(5774)
2014

“מנורה”
עיתון יהודי
בגוריה

მრავალქმიერ, მრავალქმიერ!



ისრაელის სახელმწიფო შეიქმნა მაშინ, როცა უზენაესმა ქანანისაკენ მიმავალი გზა გაუნათა ევგენატის ტყეებიდან განთავისუფლებულ ხალხს. იყო დიდებული სახელმწიფო, ჰეუდა მეფენი, წინასწარმეტყველნი, ჰოტენი და ა.შ. მაგრამ მტერმა იავარჰუო ღვთის მიერ ბოძებული სახელმწიფო ისრაელიანთა.

ებრაელი ერის გენია თითქმის ოცი საუკუნის განმავლობაში ცდილობდა თავისი სახელმწიფოს აღდგენას. ღვთისეული მცნებების ერთგულებამ, ებრაულმა მუყაითობამ, თავგანწირულმა ბრძოლამ მშობლიური სანახების აღდგენისათვის, 1948 წელს შეაძლებინა მრავალსაუკუნოვანი ოცნების ასრულება — 1948 წლის მაისში ისრაელმა აღიღვნა სახელმწიფოებრიობა.

მკვდრეთით აღმდგარი ისრაელის სახელმწიფო ამ დღეებში 66-ე წლისთავს აღესასწაულებს. 20 მაისს ეს დღესასწაული საქართველოშიც მოვიდა — ჯანსუღ კახიძის მუსიკალურ-კულტურულ ცენტრში ქართული და ებრაული ინტელიგენციის წარმომადგენლები, ისრაელიდან ჩამოსული სტუმრები შეიკრიბნენ. გაიმართა ისრაელის სახელმწიფოებრიობის აღდგენის დღისადმი მიძღვნილი კონცერტი. კონცერტის დაწყებამდე კი შეკრებილ საზოგადოებრიობას მიმართეს ისრაელის საგანგებო და სრულუფლებიანმა ელჩმა საქართველოში იუვალ ფუქსმა და საქართველოს საგარეო საქმეთა მინისტრის მოადგილემ დავით ჯაფარიძემ. მათი სიტყვები გაქვეითილი გახლდათ ორი ქვეყნის — ისრაელისა და საქართველოს ღირსებათა წარმოჩენით, ქართველი და ებრაელი ხალხის ისტორიული მეგობრობის კიდევ უფრო გაღრმავების სურვილით.

საღამოზე შესრულდა რ. შუმანის კონცერტი ფორტეპიანოსა და ორკესტრისათვის თხზულება №4, ჯ. ვერდის ნაწ-

უკეტები სიმფონიური სუიტებიდან „პორჯი და ბესი“ და შტრაუსის ზოლკა „ჰუჰა-ჰუჰის დროს“.
სადღესასწაულო კონცერტზე ორკესტრს დიდებული დირიჟორობდა რუსთაველის პრემიის ლაურეატი ვახტანგ კახიძე.
კონცერტის მშვენება გახლდათ 15 წლის ისრაელიელი ზიანისტი ტომ ზალმანოვი, რომელიც ქართველი ებრაელი ჰედაგ ოგი ქალბატონის ხ. მეგრელიშვილის აღსაზრდელია (იერუსალიმი).

AJC GLOBAL FORUM 2014
MAY 12 - 14 WASHINGTON, D.C.

მთავარი საზრუნავი — ებრაელთა მდგომარეობა

თითქმის ყოველი საერთაშორისო ებრაული ორგანიზაციის მთავარი საზრუნავი მსოფლიოს სხვადასხვა კუთხეში მცხოვრებ ებრაელთა მდგომარეობაა, ის თუ რამდენადაა დაცული მათი უფლებები, რამდენად აქვთ საშუალება გამოავლინონ ნიჭი, ქმნადობის უნარი, როგორია ტოლერანტობის დონე მათს საცხოვრებელ ქვეყნებში, არის თუ არა ანტისემიტური და რაც მთავარია, ყურადღების ცენტრშია ისრაელის სახელმწიფოებრივი უსაფრთხოების საკითხი.

ამერიკის ებრაელთა კომიტეტი კი ამ თვალსაზრისით ერთ-ერთი გამოჩენილი საერთაშორისო ებრაული ორგანიზაციაა — ისრაელის, მსოფლიოს ებრაელობის მაჯისცემამაზე მიყურადებელი. ამ პროცესებში ყოველდღიურადაა ჩართული და ამის დასტური გახლავთ სწორედ ის, რომ ამერიკის ებრაელთა კომიტეტის ლიდერების სტატიებს ლამის სისტემატურად ვკითხულობთ მსოფლიოს დიდი, ავტორიტეტული პრესის ფურცლებზე, რომლებშიც ისინი მსჯელობენ, კამათობენ თანამედროვე ებრაელობის ყოფაზე, ეკამათებიან ძლიერთა ამა ქვეყნისა — იმით, ვისაც დროდადრო უჩნდებათ ახირებული იდეები შეზღუდონ ებრაელობის რელიგიური, პოლიტიკური უფლებები.

ამერიკის ებრაელთა კომიტეტი ყოველწლიურად აწყობს ფორუმებს რომლებზეც განიხილება ებრაელი ერის, ისრაელის სახელმწიფოს სადღეისო პრობლემები. ეს პროცესი მიმდინარეობს არა ჩაკეტილ, „ებრაულ წრეში“, არამედ სხვა ერის წარმომადგენლებთან ერთად — ამ ფორუმების ხშირი სტუმრები გახლავან სახელმწიფოთა მეთაურები, საგარეო საქმეთა, თუ სხვა დარგების მინისტრები. დროდადრო მათ ერთობ არასასიამოვნო კითხვებზეც უწევთ პასუხის გაცემა: მსოფლიო წესრიგი გამონაკლისს ვერ ჰგუობს.

ამ ფორუმებს ზოგჯერ წინ უსწრებს, ზოგჯერაც ამთავრებს ახალგაზრდა ებრაელ ლიდერთა შეკრებები. წელს ახალგაზრდები „გლობალური ფორუმის“ დანყებად შეიკრიბნენ. 9-10 მაისს ვაშინგტონში მსოფლიოს სხვადასხვა კუთხეებიდან ჩამოსული ახალგაზრდა

ებრაელები განიხილავდნენ საჭირობოროტო საკითხებს. 11-14 მაისს კი გაიმართა „გლობალური ფორუმი — 2014“, რომელშიც მსოფლიოს მრავალი ქვეყნის წარმომადგენელი მონაწილეობდა.

ამერიკის ებრაელთა კომიტეტი ამ ბოლო წლებში ერთ ასეთ ტრადიციას ამკვიდრებს: სხვადასხვა ქვეყნის ებრაელი მოღვაწეები ვახშობენ ამა თუ იმ ქვეყნის ელჩთან, ან ისრაელის რომელიმე სახელმწიფო მოღვაწესთან ერთად. ეს არის საქმიანი ვახშამი, რომელზეც ელჩი 10-15 სტუმარს უამბობს თავის ქვეყნის ავ-კარგზე — პოლიტიკაში, ეკონომიკაში მიმდინარე პროცესებზე.

ამგვარი შეხვედრები წელსაც გაიმართა. ავსტრალიელ, ინგლისელ, ინდოელ, კანადელ, პორტუგალიელ, ესპანელ ებრაელებთან ვახშამზე მოვიდა აშშ-ში საქართველოს ელჩის მოადგილე ბ-ნ გიორგი ხელაშვილი (საქართველოს ელჩი აშშ-ში ბ-ნ არჩილ გეგეშიძე იმ საღამოს სხვა მეტად საპასუხისმგებლო საქმით გახლდათ დაკავებული). სასიამოვნო იყო ის, რომ მსოფლიოს სხვადასხვა ქვეყნების ებრაელებთან სავაჭრო მოვიდა საქართველოს პარლამენტის წევრი ქ-ნი თინა ხიდაშელი. გ. ხელაშვილი და თ. ხიდაშელი დიდხანს საუბრობდნენ საქართველოს ეკონომიკაზე, პოლიტიკაზე. განსაკუთრებული ყურადღება იქნა გამახვილებული იმ საკითხზე, რაც ასე აინტერესებთ დღეს დასავლეთში — საქართველოს ყოფილი ხელისუფლების მაღალჩინოსანთა სასამართლო ორგანოებთან ურთიერთობა.

„გლობალური ფორუმის“ ტრიბუნაზე ამ ოთხი დღის განმავლობაში იდგნენ და ისრაელთან, ებრაელობასთან მიმართებაზე, ისრაელ-პალესტინის სამშვიდობო მოლაპარაკებაზე, ირანის ატომურ ამბიციებზე, უკრაინაში მიმდინარე მოვლენებზე საუბრობდნენ იუდაისტური და ქრისტიანული რელიგიის წარმომადგენლები, მუსლიმი მოღვაწეები, საფრანგეთის საგარეო საქმეთა მინისტრი ლავრენტი ფაბიუსი, აშშ ყოფილი სახელმწიფო მდივანი ჰილარი კლინტონი, ისრაელიელი მინისტრი იუვალ შტიინცი, სენატორი მაკკეინი, ფორუმის მუშაობის დღეებში სერიოზული დებატები



დელეგატთა ერთი ჯგუფი — ცენტრში ევრაზიის კონგრესის პრეზიდენტი იულიუს მაინლი

გაიმართა უკრაინაში მიმდინარე მოვლენებზე, რუსეთის დესტრუქციულ ქმედებებზე ამ რეგიონში. ამ საკითხებზე მსჯელობდნენ პოლიტიკოსები, ექსპერტები, პოლიტოლოგები, ხოლო დასასრულს გლობალური ფორუმის მონაწილეებს მიმართა უკრაინის პრემიერ მინისტრმა არსენ იასენიუკმა.

ამერიკის ებრაელთა კომიტეტი ერთობ სერიოზული ორგანიზაციაა, როგორც არაერთხელ ითქვა, იგი გაუნელებლად მუშაობს ერის სასიკეთოდ და ამით დიდი ავტორიტეტი მოიპოვა არა მხოლოდ მსოფლიოს პოლიტიკურ წრეებში, არამედ ებრაელ ბიზნესმენთა შორისაც. ამას ადასტურებს ის ფაქტი, რომ ებრაელი ბიზნესმენები სიამოვნებით აფინანსებენ კომიტეტის მუშაობას. „გლობალური ფორუმის“ დამთავრების დღეს ცნობილი გახდა: ბიზნესმენმა, რომელმაც სახელის გამხელა არ ისურვა, 10 000 000 \$ აჩუქა ამერიკის ებრაელთა კომიტეტს.

გლობალური ფორუმის მუშაობაში მონაწილეობდნენ მსოფლიოს ებრაული კონგრესის აღმასრულებელი კომიტეტის წევრი — ვიცე-პრეზიდენტი, მწერალი გურამ ბათიაშვილი და ევრაზიის ებრაელთა კონგრესის გენერალური საბჭოს წევრი ელენე ბერკოვიჩი.

იუვალ ფუქსი: ჰოლოკოსტის სწავლება უაღრესად მნიშვნელოვანია

ისრაელის ელჩი ლაპარაკობს ადამიანური ღირსებისათვის დაცემულ გმირებზე

ისრაელის ელჩი იხსენებს სერგო მეტრეველს—ერთადერთ ქართველს, რომელსაც იად ვაშემში პატივს მიაგებენ, რადგან მეორე მსოფლიო ომის წლებში ორი ებრაელი ბავშვი გადაარჩინა.



ჰოლოკოსტისა და გმირების ხსენების დღე ისრაელში 1953 წელს დაწესდა. მას ვარშავის გეტოს აჯანყების თარიღიდან (1943 წლის 19 აპრილი) რამდენიმე დღის შემდეგ და ისრაელის დამოუკიდებლობის დღემდე ცოტა ხნით ადრე აღვნიშნავთ.

სულ მალე ისრაელი 66-ე დამოუკიდებლობის დღეს იხეივებს. ამჟამად ისრაელი ძლიერი და დამოუკიდებელი ქვეყანაა. იგი 1948 წელს ებრაელი ხალხის ისტორიულ მიწაზე დაარსდა და ებრაელთა ეროვნულ სახელმწიფოდ იქნა აღიარებული. ეს მოხდა მეორე მსოფლიო ომისა და იმ საზარელი ტრაგედიის რომელმაც 6 მილიონი ებრაელის სიცოცხლე იმსხვერპლა, სამი წლის შემდეგ. ექსტრემიზმის, ქსენოფობიისა და ანტისემიტის ფენომენი დღემდე არსებობს და მათ ყოველი ჩვენგანი ყოველთვის და ყველგან უნდა ებრძოდეს.

ამ საქმეში განათლება უაღრესად მნიშვნელოვანია. დღეს ჩვენ ვიხსენებთ ვარშავის გეტოს აჯანყების გმირებს და სხვა უამრავი ადამიანს, რომელთაც ნაცისტურ მანქანასთან ბრძოლას შესწირეს თავი. ჩვენ გვასხვავს ისინიც, ვინც ღირსების დასაცავად, ებრაელები, საკუთარი თავისა და ოჯახების საფრთხეში ჩაგდების ფასად გადაარჩინეს. მაგრამ ყველაზე მეტად ვიხსენებთ მათ, ვინც დახოცეს, განყვიტეს, გაგუდეს და დაწვეს ბანაკებში, ტყვეებში, სოფლებსა და მატარებლებში. ევროპის მიწა მათი სისხლითაა გაჯერებული, ჩვენი ოჯახების წევრთა სისხლით.

დაახლოებით 25 ათასი ადამიანი, ვინც ჰოლოკოსტის დროს ებრაელები გადაარჩინა, 1953 წლის შემდეგ დღემდე იერუსალიმში, კატასტროფის მუზეუმში, იად ვაშემში ყველა დროის ღირსეულ ადამიანთა ნუსხაში არიან შეყვანილნი.

მათ შორის არის სერგო მეტრეველი, ვინც დნეპროპეტროვსკიდან გამოქცეული ემილ ზიგელის ოჯახი კისლოვოდსკიდან თავის მშობლიურ სოფელ უნერაში ჩამოიყვანა. ზიგელი გადაარჩა და მოგვიანებით ნიელ არმიას შეუერთდა 90-იან წლებში კი ისრაელში წავიდა საცხოვრებლად. მეტრეველს მსოფლიოს ღირსეული შვილის წოდება 2004 წლის 30 მაისს მიანიჭეს, იგი ამჟამად ამ წოდების მქონე ერთადერთი ქართველია იად ვაშემში.

მჯერა, რომ ჰოლოკოსტის სწავლება უაღრესად მნიშვნელოვანია როგორც ისტორიული ფაქტის ცოდნის, ასევე მსგავსი ფენომენის განმეორებისგან თავის დაზღვევის თვალსაზრისით.

მიხარია, რომ საქართველოში უფრო და უფრო მეტი აქტივობა ხდება, მიმდინარეობს არასამთავრობო სექტორთან თანამშრომლობა, იმართება სემინარები, ისწავლება ისტორია და ადამიანები ეცნობიან ჰოლოკოსტის მსხვერპლთა, გადარჩენილთა და მხსნელთა ამბებს.

დარწმუნებული ვარ, რომ ამ თვალსაზრისით საქართველოს შესწევს ძალა, საერთაშორისო დონეზე ითამაშოს მნიშვნელოვანი როლი და მოეუწოდებ საქართველოს მთავრობასა და სამოქალაქო საზოგადოებას, შეიმუშაონ სამოქმედო გეგმა იმისათვის, რომ საქართველო ჰოლოკოსტის საკითხზე განათლებისა და ხსოვნის საერთაშორისო ჯგუფს შეუერთდეს, რომელიც 1998 წელს შევადეთის ყოფილი პრემიერ-მინისტრის, გორან პერსონის ინიციატივით შეიქმნა. ამ ჯგუფში 31 ქვეყანაა განწევრიანებული, მათ შორის არიან ისრაელი, აშშ, ევროპული სახელმწიფოები, შვეიცარია და სხვები. ჯგუფში 5 ქვეყანა დამკვირვებლის სტატუსით შედის; ასეთები არიან, მაგალითად, თურქეთი და ბულგარეთი.

ჯგუფში განწევრიანებით საქართველო აღმოჩნდება მსგავსი შეხედულებების მქონე ქვეყანათა შორის, რაც ადამიანის უფლებების დაცვის, დემოკრატიისა და ტოლერანტობის მქონე ქვეყნისთვის, ვფიქრობ, ბუნებრივი არჩევანია.

იუვალ ფუქსი
ისრაელის ელჩი საქართველოში

ისრაელის აუჯაჰი

ისრაელი პალესტინის ავტონომიასთან კონტაქტს წყვეტს და სანქციებს უწესებს

ისრაელის პრემიერ-მინისტრის კაბინეტის უშიშროების საბჭოს წევრები ექვს საათს მსჯელობდნენ იმაზე, თუ როგორი უნდა იყოს ისრაელის სტრატეგია პალესტინის ავტონომიასთან მიმართებაში მას შემდეგ, რაც „ხამასმა“, „ფათხმა“ და პალესტინის განთავისუფლების ორგანიზაციამ (პგო) ხელი მოაწერეს ეროვნული ერთიანობის მთავრობის შექმნის შეთანხმებას.

კაბინეტის წევრებმა ერთხმად მიიღეს დადგენილება იმის თაობაზე, რომ პალესტინის ავტონომიასთან დაუყოვნებლივ შეწყდეს ურთიერთობა. ვიდრე ამ საკითხის კენჭს უყრიდნენ, კაბინეტის წევრებმა მოუსმინეს ძალოვანი უწყებების ხელმძღვანელებს. ამათ გააკეთეს პროგნოზი იმისა, თუ როგორ შეიძლება განვითარდეს მოვლენები ამგვარი გადაწყვეტილების მიღების შემთხვევაში.

პალესტინის ავტონომიისა და ისრაელის სამშვიდობო მოლაპარაკებისათვის დათქმული გახლდათ ცხრა თვე, აშშ წარმომადგენლის მარტინ ინდიკის შემწეობით თათბირობდნენ იმასთან დაკავშირებით, რომ მოლაპარაკებების ვადა კიდევ ცხრა თვე გაგრძელებულიყო, მაგრამ მას შემდეგ რაც ისმაილ ხანიამ ღაზას სექტორში გამოაცხადა, რომ ხელმოწერილია შეთანხმება სამ პალესტინურ ორგანიზაციას შორის, ისრაელმა გააუქმა სადამოხანისათვის დანიშნული შეხვედრა სამშვიდობო მოლაპარაკებისა.

რადიო „რემეთ ბეთ“-ის ინფორმაციით, კაბინეტის სხდომაზე ასევე დაისვა საკითხი რამალის წინააღმდეგ ეკონომიკური სანქციების დაწესების თაობაზე. თუმცა, ამჯერად არ უმსჯელიათ იმაზე, თუ როგორი იქნება ეს სანქციები. ამაზე იმსჯელებენ პრემიერ-მინისტრი ბინიამინ ნეთანიაჰუ და ფინანსთა მინისტრი იაირ ლაპიდი.

სამთავრობო წრეებიდან მიღებული ინფორმა-

ისრაელის აუჯაჰი

ციით, სამი პალესტინური ორგანიზაციის ეს შეთანხმება და ეროვნული ერთიანობის მთავრობის შექმნა იერუსალიმისათვის სრულიად მოულოდნელი აღმოჩნდა. როგორც „ინეტ“ იუნყება, ისრაელი სულ სხვაგვარი მოვლენების მომლოდინე გახლდათ: მაჰმუდ აბასს უნდა დაეშალა ავტონომიის ინსტიტუტები და მმართველობის გასაღები ისრაელისათვის უნდა გადაეცა, მან, მაჰმუდ აბასმა კი ასეთი „სიურპრიზის“ წინაშე დააყენა ისრაელი, რისთვისაც იგი სრულიად მოუზადებელი იყო. აღნიშნავენ, რომ ოფიციალურმა ვაშინგტონმა შეშფოთება გამოთქვა „ფათხის“, პგო-ს და „ხამასის“ შეთანხმების გამო — „ხამასი“ აშშ-ში ტერორისტულ ორგანიზაციად არის მიჩნეული. შექმნილი სიტუაცია გაართულებს აშშ ურთიერთობას პალესტინის ავტონომიასთან და ეჭვქვეშ აყენებს აშშ დახმარების (ყოველწლიურად 500 მილიონი დოლარი) პალესტინისათვის გამოყოფას.

არიჰათი: ნეთანიაჰუ სამშვიდობო მოლაპარაკების შეწყვეტის საბაზს დაეძგადა

ისრაელ-პალესტინის სამშვიდობო მოლაპარაკებაზე პალესტინის მხარის წარმომადგენელთა მეთაურმა საიბ არიჰათმა გამოსთქვა გულსტიკივილი იმის გამო, რომ ისრაელმა შეწყვიტა სამშვიდობო მოლაპარაკება. ამის საბაზი კი პგო-ს, „ხამასისა“ და „ფათხის“ შეთანხმება და ეროვნული ერთიანობის მთავრობის შექმნა გახდა.

—ადრე ნეთანიაჰუ და მისი მთავრობა პალესტინურ დაჯგუფებათა შორის წინააღმდეგობას, დაპირისპირებას საბაზად იყენებდა და უარს ამბობდა სამშვიდობო წინადადებებზე, ახლა ჩვენ შევთანხმდით და ნეთანიაჰუმ იგივე საბაზით სამშვიდობო მოლაპარაკება შეწყვიტა.

—ეს გვაძლევს ერთადერთი დასკვნის საშუალებას: ნეთანიაჰუს არ სურს მშვიდობა. ამას გარდა

ისრაელმა უარი თქვა ელიარებინა, რომ პალესტინელებმა იცხოვრონ 1967 წლის საზღვრების ფარგლებში და ეს მაშინ, როცა ჩვენ ჯერ კიდევ 26 წლის წინათ ვალიარეთ ისრაელის სახელმწიფო.

რუსეთი მიასალმება შეთანხმებას

—„ფათხის“ „ხამასისა“ და „პალესტინის განთავისუფლების ორგანიზაციამ“, ხელი რომ მოაწერეს შერიგების შეთანხმებას, ეს სრულიად არ უნდა იყოს სამშვიდობო მოლაპარაკების ტორპედირების მიზეზი — ნათქვამია რუსეთის საგარეო საქმეთა სამინისტროს განცხადებაში, რომელიც გამოქვეყნდა ისრაელის მთავრობის კაბინეტის გადაწყვეტილებას გამო.

სამინისტრო აცხადებს, რომ რუსეთი თანმიმდევრულად და მტკიცედ გამოდიოდა და კვლავაც გამოდის ახლო აღმოსავლეთის საკითხის სამართლიანი რეგულირებისათვის, რომელსაც ძალუძს ისრაელის და პალესტინის უსაფრთხო, მშვიდობიანი ცხოვრება.

რუსეთის პრეზიდენტის სპეციალური წარმომადგენელი ახლო აღმოსავლეთის საკითხებში მიხ.ბოგდანოვი (რუსეთის ყოფილი ელჩი ისრაელში) ტელეფონით ესაუბრა „ხამასის“ პოლიტიურის მეთაურს ხალედ მაშალს. ამ საკითხთან დაკავშირებულ კომენტარებში ნათქვამია, რომ „ხალედ მაშალმა გამოსთქვა კმაყოფილება ამ შეთანხმების მიღწევის გამო, რითაც დაძლეული იქნა განხეთქილება პალესტინელებს შორის.“

რუსეთის სპეციალურმა წარმომადგენელმა თავის მხრივ ხაზი გაუსვა იმას, რომ პალესტინურ დაჯგუფებათა „შეთანხმება და ერთიანობის აღდგენა პასუხობს პალესტინელი ხალხის ინტერესებს და იგი ხელს შეუწყობს საერთაშორისო არენაზე პალესტინის საკითხების დადებითად გადაწყვეტას.

გიორგი კოჩოვაშვილი — „ნაალეს“ მოსწავლე

ჩვენი სტუმარია „ნაალეს“ პროექტის ერთ-ერთი გამარჯვებული, გიორგი კოჩოვაშვილი. იგი სწავლას განაგრძობს ისრაელში, ქალაქ ზიხრონ იაკოვის მეიერ შფეიას დასახლებულ პუნქტში.

— გიორგი, როგორ შეიტყე ამ პროგრამის შესახებ?

— 2012 წლის 2 სექტემბერს კაჭრეთში, სასტუმრო „ამბასადორში“ ჩატარდა სემინარი საქართველოში მცხოვრებ 13-დან 15 წლამდე ასაკის ებრაელი ბავშვებისათვის. სემინარზე ისრაელიდან ჩამოსული იყო პროგრამა „ნაალეს“ კოორდინატორი ილია დუბინსკი. ასევე გოგონა, რომელსაც დამთავრებული ჰქონდა 3-წლიანი პროგრამა. სწორედ აქ შევიტყე ამ პროგრამის შესახებ. იმ-ჟამად ვსწავლობდი ილია ვეკუას სახ. საჯარო მათემატიკურ სკოლაში. მშობლების სურვილი იყო, გამეგო თუ რა მიმართულებით წავიდოდა სწავლება.

ამ პროგრამას, ისევე როგორც ისრაელის განათლების სისტემას აქვს განსხვავებული მიმართულება.

ჩვენი შერჩევა-დაკვირვება მოხდა ფსიქოლოგიური თამაშებით. 30 მოზარდიდან გამოცდაზე დაგვიშვეს — 24.

„ნაალეს“ პროგრამა მოითხოვს ზოგადი განათლების მაღალ დონეს ყველა საგანში.

ამ ტესტი-თამაშების მეშვეობით ფსიქოლოგი ავლენს თითოეული მოზარდის შესაძლებლობას დამოუკიდებელი ცხოვრებისა და სწავლისა.

პროგრამის აზრია ისრაელის გარეთ მცხოვრებმა ებრაელებმა იცხოვრონ ისრაელში, მიიღონ იქაური განათლება და გამოადგინონ თავიანთი ქვეყანას. ამ პროგრამაში ჩემი თავი წამყვან ადამიანად დავინახე.

— რა მეთოდით მიმდინარეობს სწავლება?

— ამ პროგრამის მიხედვით ისწავლება აუცილებელი და დამატებითი საგნები. როგორც დამატებითი, ისე აუცილებელი საგნები ფასდება ქულებით. მიღებული ქულები არ უნდა იყოს 21 ქულაზე ნაკლები. ამ შემთხვევაში გაიცემა ატესტატი უნივერსიტეტში ჩაბარების უფლების გარეშე. სასწავლო

პროცესი გრძელდება დღის 8 სთ-დან 16 საათამდე, პარასკევი დღის გარდა. დამატებით საგნად არჩეული მაქვს „ხაკლაუთ“ — სოფლის მეურნეობა მეღვინეობის განხრით, ინფორმატიკა და რუსული ენა. ანუ მე შემიძლია დამატებითი საგნის, ჩემს შემთხვევაში, მეღვინეობის პრაქტიკულად შესწავლა.

ორი წლის განმავლობაში ამ საგნებში შესწავლის დონე განისაზღვრება მიღებული ნიშნების მიხედვით.

ატესტატის აღების შემდეგ ვაბარებ ტესტს უმაღლესი განათლების მისაღებად და მივდივარ ჯარში.

— რა პროფესიის არჩევას აპირებ?

— ძირითადი პროფესია ჯერჯერობით არ ამირჩევია. მაგრამ ალბათ, ეს იქნება იურისპრუდენცია. ვიქნები მაღალჩინოსანო სამოქალაქო სექტორში.

— გმადლობ, წარმატებებს გისურვებ.



ესაუბრა მარიამ ვასაძე

„ესთერის“ ანუ როცა „ანკესი“ ბირთვულ იარაღზე კლიერია

თანამედროვე მსოფლიოს გადარჩენილ ჯანსაღ ცნობიერებაში უკვე სრულად მკაფიოდ გამოიკვეთა და დადგინდა აზრი, რომ თანამედროვე მსოფლიოს ახალი წესრიგის დამყარების მიმდინარე პროცესებში, რომელთაც უკვე საკმაოდ გავრცელებული ცოდნით „მსოფლიოს საიდუმლო მანქანა“ მართავს, საჭირო პროცესებშია თუ მასების გამოსახვა-საყვანებლად და შემდგომ გამოთავისუფლების გასანადგურებლად, მთავარი იარაღია ანკესზე წამოგების, ანუ ინფორმაციულ მახეში გაბმის, საპირისპირო მხარის მოტყუების სტრატეგია; რომ თვით 21-ე საუკუნის ტექნიკური აღმოჩენების აპოგეაში „ანკესზე წამოგების ტექნოლოგია“ უფრო ეფექტური, ვინემ ბირთვული იარაღის სამხედრო ძალა. პიროვნებისა თუ ხალხის „ანკესზე წამოგების ტექნოლოგიით“ შესაძლებელი ხდება, შენმა მონინალმდევემ თავისივე ხელით აღასრულოს თავის თავზე ის დარტყმა, რომელიც შენ უნდა მიგვეყენებინა მისთვის უფრო დიდი ძალისხმევის მოხმობით. ცხადია, მონინალმდევის შეცდომაში შეყვანასაც სჭირდება დიდი მუშაობა და არც ეს არის იოლი, მაგრამ ამის უნარსა და ხელოვნებას პიროვნებაც და ხალხიც ღვთისგან უნდა ფლობდეს. და მართლაც, თანამედროვე მსოფლიოს ახალი წესრიგის დასამყარებლად ანკესზე წამოგებულ ჭიყველად არ არიან (?) გამოყენებულნი მორალურ-პოლიტიკური იდეები: სახელმწიფოებრივი დამოუკიდებლობისა და სახელმწიფოებრივი გაერთიანებისა? გაერთიანებულნი დავშალოთ დამოუკიდებლობად, ხოლო დამოუკიდებლობის გაერთიანებისკენ მოვუნდოთ — ასე გამოიყურება დღეს მსოფლიოს პოლიტიკური აზროვნება.

ცხოვრების გზის სწავლების ყველა სხვა ხერხთან ერთად, შეიძლება ითქვას, რომ ბიბლია, უფრო ზუსტად, პირველი ნაწილი ბიბლიისა, „ძველი აღთქმა“, კაცობრიობის წმინდა წიგნად აღიარებული დიდი თხზულება ებრაელი ხალ-

ხისა, მონინალმდევე მხარის „ანკესზე წამოგების“ ამ უნარის გამონათობისა და ამ „ტექნოლოგიის“, ანუ ამ ხელოვნების ფლობის სახელმძღვანელოც არის. ამ „ტექნოლოგიის“ ფლობისა და გამოვლენის ბრწყინვალე ნიმუშია ბიბლიის ერთ-ერთი კანონიკური წიგნით, „ესთერის წიგნით“ გადმოცემული ამბავი, ებრაელი ხალხის ეროვნულ გმირად აღიარებული ქალისა — ესთერის. თავად ის ფაქტიც, რომ ებრაული დღესასწაული „ესთერობა“, ანუ „პურიმი“, ისე შეახვიო თავის ტრანსფორმირებულ სახეში, ზოგადად ქალის ღირსების დაცვის სახეში, რომ ესთერი აქციო ქალობის იდეად, ხოლო „ესთერობა“ ქალთა ღირსების დაცვის მსოფლიო ხალხების დღესასწაულად, მ მარტის ქალთა საერთაშორისო დღედ გამოცხადება, მეტყველებს იმაზე, რომ ებრაული ჭკუა-გონების საკუთრივი მახასიათებელი სწორედ ის თვისობრიობაა, რომელსაც შეუძლია ადამიანური უნარი ამა თუ იმ კონკრეტული ადამიანის ცნობიერებაზე ზემოქმედებისა და მიზანდასახული მიმართულებით წარმართვისა აიყვანოს მსოფლიოს დაპყრობის „ტექნოლოგიური ხელოვნების“ ხარისხში, აიყვანოს და იმდენად ცხადყო, რომ ამ გზით კაცობრიობის ყველაზე თავზარდამცემი ბირთვული იარაღის ძალაც გადაფაროს.

„ნიგნი ესთერისა“ ანკესზე მონინალმდევის წამოგების ერთი კონკრეტული ამბავია, რომელიც მძაფრად აჩვენებს ებრაელი ხალხის გარე სამყაროსთან და სხვა ქვეყნების ადამიანებთან მიმართების სპეციფიკას, ადამიანებთან და ხალხებთან მიმართების მორალურ კრედოს. ცხადია, ამგვარი შეფასება ბიბლიური გმირისა აყენებს მისი ტიპურობისა და იმ ხალხის მორალურ-ფსიქოლოგიური პრინციპების საკითხსაც, რომლის წარმომადგენელიც იგი არის.

როგორც ვიცით, ებრაელმა ხალხმა თავისი დიდი მონამებრივი ცხოვრების გზაზე ორი დიდი ტყვეობა გამოიარა: ეგვიპტური და ბაბილონური. ეგვიპტი-

დან გამოსვლის შემდეგ უფალმა დააბინავა ებრაელი ხალხი აღთქმულ მიწაზე. აღუთქვა უფალმა, ღმერთმა ისრაელი-სამ ებრაელებს: თუ ერთგულნი იქნებით ჩემი, იქ, აღთქმულ მიწაზე დამკვიდრებულ ხალხებს აყერი და ხელში ჩაგაგდებინებთო მთელს მათ ქონებასა და სიმდიდრესო. ძალზედ საინტერესოა ძველი აღთქმით გადმოცემული ისრაელიანთა ღმერთის დიდაქტიური პრინციპები, ის ღვთაებრივი სამართალი და მორალი, რომელიც გაცხადებულია ებრაელი ხალხის დიდი წინასწარმეტყველისა და წინამძღოლის, მოსეს პირით:

„როცა შეგიყვანს უფალი, შენი ღმერთი, იმ ქვეყანაში, რომლის გამოფიცებოდა აბრაამს, ისაკს და იაკობს, რომ შენ მოგცემდა დიდი და მშვენიერი ქალაქებითურთ, რომლებიც შენ არ ავიშენებია, ყოველნაირი დოვლათით ავსებული სახლებითურთ, რომლებიც შენ არ ავიცხია, ამოთხრილი ჭებითურთ, რომლებიც შენ არ ამოგიოხრია, ვენახებითა და ზეთისხილის ბაღებით, რომლებიც შენ არ გაგიშენებია და შენც შეჭამ და გაძლები, ფრთხილად იყავი, რომ არ დაგავინყდეს უფალი, რომელმაც შენ გამოგიყვანა ეგვიპტიდან, მონობის სახლიდან“ (2რჯ. 6, 11-12).

„როცა მიგიყვანს უფალი, შენი ღმერთი, იმ ქვეყანაში, რომლის დასამკვიდრებლადაც მიდიხარ, და მოგამორებს მრავალრიცხოვან ხალხებს: ხეთელებს, გირგაშელებს, ამორეველებს, ქანანელებს, ფერიზელებს, ხივიელებს და იებუსელებს — შვიდ ხალხს, შენზე მრავალრიცხოვანსა და ძლიერს, ხელში ჩაგაგდებინებს და შენც დაარისხებ მათ, დაარისხე ისინი (შენივე უფალს. — დ.ს.), არ შეკრა მათთან კავშირი და არც დაინდო!“ (2რჯ. 7, 1-2). „შენ შთანთქვე ყველა ხალხს, რომელსაც გაძლებს უფალი, შენი ღმერთი!“ (2რჯ. 6, 16).

მოხმობილი ფრაგმენტები ნათლად აჩვენებს ეპოქალურსა და მორალურ-ფსიქოლოგიურ პრინციპებს ღვთაებრივი სამართლიანობის ეროვნული კლა-

სიკური გაგებისას. ამასთან უფლის რჩეული ერის ეროვნული კლასიკური გაგების. სამართლიანობის ამგვარი გაგებით არიან გამოსულნი ისრაელიანები ოთხასწლოვანი ეგვიპტური ტყვეობიდან. და უფალს, რომელმაც ისინი გამოიყვანა ეგვიპტური მონობის სახლიდან და დაასახლა აღთქმულ მიწაზე თავისი ცხოვრების ოქროს ხანით, ისრაელიანები უგებენ გრანდიოზულსა და არქიტექტურული მშვენიერებით განთქმულ ტაძარს, „ტაძარს სოლომონისას“, ისრაელის ორი დიდი მეფისა, დავით წინასწარმეტყველისა და მისი ვაჟის, სოლომონ ბრძენისა და თავად უფლის, იაჰვეს ნყალობით შექმნილს. მიუხედავად ამ დიდი გამარჯვებისა და თავისი არსებობის ოქროს ხანის შექმნისა, ღმერთი ისრაელისა ვერ იხსნის ებრაელ ხალხს მეორე დიდი ტყვეობისგან. სწორედ ამ მეორე ტყვეობის ისტორიას უკავშირდება ესთერის პიროვნება, როგორც განსახიერება ეროვნული გმირული სულია.

როგორც ბიბლიის მკვლევარები აღნიშნავენ, ესთერის წიგნში ძველი წელთაღრიცხვის მე-5-ე საუკუნის მეორე ნახევრის ისტორიული სინამდვილეა ასახული და მიეკუთვნება იმ წიგნებს, რომლებიც გადმოსცემენ ებრაელი ხალხის ცხოვრებას მას შემდეგ, რაც ბაბილონელებმა დაარბიეს იერუსალიმი, დაანგრეს სოლომონის ტაძარი, ტყვედ აიყვანეს მთელი ებრაელი ხალხი და ნაასხეს ბაბილონში. ესთერის წიგნში გადმოცემულია პერიოდი, როცა ბაბილონის ტყვეობიდან ჯერ კიდევ არ დაბრუნებულა იერუსალიმში ეზრა — ებრაელთა დიდი წინასწარმეტყველი და განმანათლებელი, როდესაც ბაბილონის ტყვეობიდან სპარსეთში არიან ისრაელიანები გახიზნულნი და ერთ-ერთი ხიზანი ისრაელიანებისა, ლამაზი ტყვე ქალი, ესთერი, სპარსეთის უდიდესი სამეფოს დედოფალი ხდება.

ესთერი ტიპური სახეა ებრაელი ქალისა. მას ერთ-ერთი შესანიშნავი წინამორბედი ჰყავს ებრაელი

▶▶ ხალხის ეროვნული გმირი ქალის, იაყელის სახით, რომელიც ესთერ-თან ერთად უსათუოდ აჩვენებს შემამი-ნებელ ძლიერებას ებრაელი ქალისას.

ალექსანდრე მინაზე დაბრუნებული ებრაელები სისხლისმღვრელი ომით უპირისპირდებიან ალექსანდრე მინის ადგი-ლობრძელ მკვიდრებს - ქანაანელებს. ბრძოლაში ქანაანელები მარცხდებიან. ქანაანელთა სარდალი, სისარა, რომელ-საც მთელი ეტილიონი გაუნადგურეს, ბრძოლის ველიდან გარბის და გეზს ებრაელი ქალის, იაყელის, ხეზერ კენიე-ლის ცოლის კარვისკენ იღებს, რადგან ქანაანის მეფესა და იაყელის სახლუ-ლობას შორის მშვიდობა ეგულდება. ასე იყო ომამდე. სისარამ იცის, რომ ებრა-ელთა სარდალი, რომელმაც ეტილიონი გაუნადგურა, უკან მოსდევს... მაგრამ ქანაანელი სისარა მიაღწევს მახლობე-ლი ებრაელების კარავს:

„გამოვეება იაყელი სისარას და უთხ-რა: - მობრძანდი, ბატონო, შემობრძან-დი ჩემთან, შიში ნურაფრის გექნება - შეიყვანა კარავში და ხალქვემ დამალა. უთხრა სისარამ: ცოტა წყალი მომიტანე და დამალეინე, რადგან მწყურია. გაუხ-სნა ქალმა რძით სავსე ტიკი, დააღვინა და ისევ წააფარა ხალი. უთხრა სისარამ: - კარვის კართან დადექი, ვინმე ხომ არ ჩამოიაროს და გკითხოს, ვინმე ხომ არ არისო მანდ, მიუგე, არა-თქო. იაყელ-მა, ხეზერის ცოლმა აიღო კარვის პალო, ხელში ურო დაიკავა, ფეხაკრეფით მიე-პარა სისარას და ისე ჩაურჭო პალო სა-ფეთქელში, რომ მინას დააჭედა. მას კი (სისარას), დაღვინა-დაქანცულს ჩასძი-ნებოდა და მოკვდა“ (მსაჯ. 4, 18-21).

იაყელის ხელით ქანაანელთა სარდ-ლის - სისარას საშინელი განგმირვის ეპიზოდი ეროვნული ჰიმნის, ტრიუმ-ფალური საგალობლის სიუჟეტი ხდება. ისრაელიანთა სახელგანთქმული მსა-ჯული-ქალი, ნინასწარმეტყველი დე-ბორა და ებრაელთა სარდალი ბარაკი, რომელსაც იაყელმა წაართვა სისარას განგმირვის ბედნიერება, ერთად აღა-ვლენენ გალობას ებრაელთა ღმერთის, იაჰვესადმი:

„ისმინეთ, მეფენო, ყური მომაჰყა-რით, მთავარნო: ეს მე ვარ, მე ვუგალობ უფალს, მე ვუმღერო უფალს, ისრაელის ღმერთს... კურთხეულ იყოს იაყელი, დი-აცთა შორის, ხეზერ კენიელის ცოლი! კარავში მცხოვრებ დიაცთა შორის კურ-თხეულ იყოს!..“

წყალი მოსთხოვა და რძე მიართვა, სეფეთასით მიართვა მოუხდელი რძე.

მარცხენა ხელით პალოს დასწვდა, მარჯვენით უროს. მოუქნია სისარას, თავში დაჰკრა, გაუბო, საფეთქელი შე-ულენა...

სარკმლიდან იყურება, კანკლედი-დან გაჰკვივის სისარას დედა: რატომ იგ-ვიანებს მისი მხედრობა, რამ შეაფერხა სისარას ეტილის თვლები?!..“ (მსაჯ. 5, 3-5, 24-26, 5, 28).

ეს შემზარავი სიუჟეტი იაყელისა და სისარას „სტუმარ-მასპინძლობისა“, რომელსაც უმღერის ებრაელი ხალხი, ჩემს ხედვებში პირდაპირ ალტერნატიულ ასოციაციას იწვევს ქართული ხალხური სიმღერის სახით შე-მონახულ ერთ ლეგენდარულ ამბავზე, რომელიც წმინდა ქართული და წმინდა ქრისტი-ანული ფსიქოლოგიისა და მორალის უჩვეულო გამოვლინე-ბაა. და საერთოდ, ამ ლეგენდარული ამბავით, ალბათ, დაბეჯი-თებით შეიძლება ისიც ითქვას, რომ რაც წმინდა ქართულია, წმინდა ქრისტიანულიც არის. მხედველობაში გვაქვს მოხე-ვურ ფოლკლორში სიმღერად შემონახული ლექსი ხევში სა-ხელგანთქმული და-ძმისა: შიო-ლა ლუდუშაურისა და მისი დის. შიოლა მოკლეს და მკვლელს შურისმაძიებლები დაედევნენ. მახლობელ სოფელში თავშე-საფრის მაძიებელი მკვლელი

უცნობის სახლში შევარდება და თავშე-საფარს სთხოვს მასპინძელ ქალს, რომე-ლიც, აღმოჩნდება, რომ მოკლულის დაა. ქალი ძმისმკვლელს ველარ განირავს, რადგან მან უკვე შეაფარა თავი მო-კლულის დის ქორქვემ და ღვთისგან თუ ბედისწერის ქარტყილისგან სტუმარ-მასპინძლის რეალობა შექმნა. შიოლას და ახლა უკვე მასპინძელია და ღვთისა და საკუთარი ჭყრის ღირსება უნდა და-იცვას პირველ რიგში. იგი მანდის და-ავებს კარის ზღურბლზე, რითიც თავი-სიანებს შურისძიებას აუკრძალავს. და, როცა შურისმაძიებლები, მის კართან შემდრკალნი, იძულებულნი გახდებიან, უკან დაიხიონ, შორიდან ნასროლი ის-რითი ფანჯრიდან შეაღწევენ ქორქვემ და მოკლავენ მკვლელს. შურსაცხყოფილი შიოლა ლუდუშაურის და ახლა უკვე ორ-მაგად არის ჭირისუფალი და მგლოვიარ-ე. და, როგორც შურსაცხყოფილი თავისიანთაგან, იგი უარს იტყვის მათთან ერთად ძმის დატყობაზე: არ წავა სა-ტირალში, მარტოკა დაიტყობს და მარ-ტო იგლოვს... მდინარის პირას... სტუ-მარსაც და ძმასაც. იაყელისა და შიოლას დის, ამ ორი, ერთმანეთისგან სრულიად განსხვავებული ქალის ფსიქოლოგიითა და მორალით ორი სრულიად განსხვავ-ებული ფსიქოლოგიისა და მორალის ხალხი იხატება ჩვენს თვალში. ფსიქო-ლოგია და მორალი დაუნდობლობისა და ფსიქოლოგია და მორალი დანდობისა და მტრის სიყვარულის.

ბიბლიური გმირი ქალის, იაყელის ფსიქოლოგიური და მორალური განგ-რძობა ახალი ბიბლიური გმირი ქალი, ესთერი, რომელიც სპარსეთის მეფის ცთუნებით სპარსეთის დედოფალი ხდე-ბა. თუმცა ამ მაცთუნებელი სიცრუ-ით ის მარტო არ არის. ის სასახლეში შეგზავნილი დედოფალია იმისთვის, რომ საჭიროების შემთხვევაში, დაიც-ვას ებრაელთა ინტერესები სპარსეთში. შემგზავნი არის ესთერის ბიძაშვილი, სახელად მარდუქაი, რომელიც მუდ-მივი კონსულტანტია ესთერისა. საქმე გვაქვს მაცთუნებლობის მთელ მექა-ნიზმთან, რომელსაც ორი პიროვნება მართავს: მარდუქაი და ესთერი...

სპარსეთის უზარმაზარი სამეფოს მმართველი იყო მეფე ახაშვეროში. ინ-დოეთიდან ქუშამდე იყო გადაჭიმული მისი სამფლობელო, 127 პროვინციისგან შემდგარი. თავისი მეფობის მესამე წელს მეფე ახაშვეროში დაიდი ნადიმი გადაი-ხადა, მოინწია თავისი მთავრები, სპარ-სელთა და მიდიელთა სარდლები, მორ-ჩილნი და მხარეთა განმგებელნი. შვიდ დღეს მიდიოდა ნადიმი სასახლის ბაღში. თავი მოინონა მეფემ თავისი სამეფოს სიმდიდრითა და ბრწყინვალეობით: „მრავალფერი ქსოვილები ეკიდა ბისონისა და ძონის ძაფებით ვერცხლის რგოლებ-ზე და მარმარილოს სვეტებზე. ოქროსა და ვერცხლის საწოლები იდგა ალებას-ტრით, მარმარილოთი, სადაფითა და შავი მარმარილოთი მოფენილ იატაკზე. სასმელს ოქროს სასმისებით სვამდნენ, მრავალფერი სასმისებით. უხვად იყო სამეფო ღვინო, მეფეთა საკადრისი. ვამ-

თი დედოფალმაც გადაიხადა ლხინი ბა-ნოვანთათვის მეფე ახაშვეროშის ერთ-ერთ სასახლეში. მეშვიდე დღეს მეფემ თავისი ულამაზესი დედოფლის მშვე-ნიერებით თავმონონება მოინადინა და შვიდი მომსახურე საჭურისი გაგზავნა ვაშთი დედოფლის მოსაყვანად... დედო-ფალმა ბრძანება იუკადრისა და უარი შეუთვალა მეფეს. ვაშთი დედოფალმა დედოფლობა დაკარგა. მეფის მხლებ-ლები მეფის დავალებით ახალი დედოფ-ლის კანდიდატურის ძებნას შეუდგნენ.

მარდუქაის მცდელობითა და დარი-გებებით ესთერმა, დამალა რა თავისი ებრაელობა, ვაშთი დედოფლის ადგი-ლი დაიკავა. მარდუქაის სამსახურად კი იქცა დღეინადაც დგომა სასახლის კარიბჭესთან, ინფორმაციის მოკრება და შეგზავნა მეფესთან შესატანად ეს-თერის გზით. იუდეველმა მარდუქაიმ, რომელიც წარმომავლობით ბენიამინის შტოდან იყო და ბაბილონის მეფის, ნაბუ-ქოდონოსორის მიერ იუდას მეფესთან, იექონიასთან ერთად იყო ბაბილონში გადასახლებული. სპარსეთში გადმო-ხიზნებით, სასახლის კარიბჭესთან დღე-ინადაც დგომით სპარსეთის მეფის მთა-ვარი ინფორმატორის ადგილი მოიპოვა. სასახლეში არავინ არ იცის, რომ ესთერი იუდეველია. მარდუქაიმ კი სასახლის კა-რიბჭესთან აფიშირება მოახდინა თავი-სი იუდეველობის, რითიც უფრო მეტად შენიღბა ესთერის ვინაობა და როდე-საც მეფე ახაშვეროში ყველა მთავარს შორის გამოარჩია და როგორც ყველა-ზე ერთგულსა და ღირსეულს, ჰამანს“, დაუდგა სავარძელი ყველა მთავარზე მაღლა, ვინც კი ჰყავდა“, სასახლის კა-რიბჭესთან, მარდუქაი შეუდგა ჰამანი-სადმი უპატივცემულობის საგანგებო დემონსტრაციას და ჰამანს იუდეველ-თადმი სიძულვილი ხელოვნურად მოა-ხვია თავს. ნელ-ნელა ესთერის გზით მარ-დუქაიმ შეესძლო განხეთქილების ჩამოგ-დება სპარსეთის მეფესა და მის რჩეულ მთავარს შორის და, ბოლოს და ბოლოს, იქამდე გამოთავყვანა მეფე ახაშვეროში ესთერის მშვემობით, რომ ეს ყველაზე რჩეული და ერთგული ჰამანი სახრჩო-ბელაზე ჩამოაკიდებინა. სახრჩობელაზე ჩამოაკიდებინა მეფე ჰამანის ათი ვაჟი, ხოლო ისტორიული სტატისტიკით, გარ-და ამ განწირული მთავრის ოჯახისა, ეს-თერის თხოვნით 75 000 (სამოცდათხუთ-მეტი ათას) კაცისთვის მიუსჯია სიკვდი-ლი სახრჩობელით და ეს ისეთი რიცხვია, რომელიც ესთერს, იაყელის მორალურ მემკვიდრეს, ნებისმიერ დროს აპოვნი-ნებს კარვის პალოსაც და უროსაც, თუ კი ეს თავისი ხალხისთვის დასჭირდა, თავად მეფე ახაშვეროშის მინაზე დასა-ჭედად. ესთერის ბიბლიური წიგნით ჰა-მანის ჩამოხრჩობის შემდეგ, ესთერის თხოვნით, სპარსეთის მეფე ახაშვეროში სპარსეთში შეხიზნული ყველა ებრაელის ხელშეუხებლობა ბრძანა, ხოლო ჰამანის სავარძელზე, რომელიც დაუდგა მან ჰა-მანს „ყველა მთავარზე მაღლა, ვინც კი ჰყავდა“ მარდუქაი დასვა. ამრიგად, მარ-დუქაი-ესთერის ინფორმაციულმა ტექ-ნოლოგიამ სპარსეთის ამ უდიდესი სა-

მეფოს მმართველს მთავარი საყრდენის, ჰამანის ჩამოცილებით შეუქმნა ახალი საყრდენი, რომლითაც სპარსეთის მეფე მთლიანად დამოკიდებული გახადა სა-სახლის კარიბჭესთან მდგომ მარდუქა-იზე და ბაბილონიდან შემოხიზნული ებ-რაული ეროვნული უმცირესობის ხელ-შეუხებლობის უზრუნველყოფაზე...

ერთ-ერთი ქართველი ებრაელი, ცნობილი პოლიტოლოგი და საზოგადო მოღვაწე, ქართველი ებრაელების ისტო-რიულ დამსახურებად გადმოგვცემს თა-მარ მეფის დაქორწინებას გიორგი რუს-ზე, იმ ქართველი ებრაელების, რომლე-ბიც საქართველოს სამეფო კარზე დანი-ნაურებულნი იყვნენ და შესაძლებლობა ჰქონდათ, გავლენა მოეხდინათ სამეფო კარის ცხოვრებაზე... ჩვენს მიერ ბიბ-ლიური „ესთერის წიგნისა“ და ესთერისა და მარდუქაის პიროვნული ფენომენის გადმოცემის შემდეგ, ნათლად წარმო-სადგენი ხდება, თუ რაოდენ ძლიერი უნ-და ყოფილიყო მეფე თამარი, რომ უნესო გიორგი რუსიც აელავა და ყოველგვარ ი მცდელობანიც მისი ძალაუფლების შეზღუდვისა ებრაული წარმომავლობის მოხელეთაგან, აელავა ყოველგვარი სახრჩობელების გარეშე, უმაღლესი ადა-მიანური ზნეობითა და სათნოებით.

ებრაელმა ხალხმა ესთერის, როგორც ეროვნული გმირის უკვდავსაყოფად მისი ხსენების დღესასწაული დაანება „პური-მის“(„წილისყრის დღე“) სახელწოდებით, რომელსაც ებრაელები დღემდე დღესას-წაულობენ. დღეისთვის მსოფლიო მეც-ნიერებისათვის კარგად არის ცნობილი, რომ 1917 წლის ოქტომბრის რევოლუცია რუსეთში ებრაელ მასონთა დიდი მონა-წილეობით იქნა მომზადებული. - „კა-პიტალიზმშიცა და სოციალიზმშიცა წამ-ყვან ძალას წარმოადგენენ ებრაელები“ - წერს ჯორჯ სოროსი. დღევანდელი მსოფლიო საზოგადოებრიობის მიერ გაცნობიერებულია, რომ ჩვენი დღევან-დელი მსოფლიოს ცივილურ ისტორიაში რევოლუციებს ებრაელები მართავენ, მაგრამ ცხოვრება ამ რევოლუციებს თავის საკუთარ სახეს აძლევს და ებრაული გონი, მსოფლიო მმართველობაზე მეოც-ნებე, იძულებული ხდება ჩვენი ცივილი-ზაციის მთელ მანძილზე უწყვეტი მო-ნიტორინგით იყოს მიმართული მთელი კაცობრიობის ცხოვრებაზე და უწყვეტი სულიერ კვეთებით ეწეოდეს კაცობრიული ცნობიერების ინტეგრაციას - ან ღი-ად, ან ფარულად - ებრაულ ღირებუ-ლებებზე. ცხოვრებამ და ისტორიამ იგი, ებრაული გონი, გამოაწართო შენიღბული არსებობისთვის. მან შეიმუშავა უნარი, მშვიდობიანად შეეფუთოს თავისი სხეუ-ლებრივი ყოფიერება სხვა ქვეყნის სხეუ-ლებრივ ყოფიერებაში, თავისი სულიერი ინდივიდუალობა - სხვა ხალხის სული-ერ ინდივიდუალობაში, თავისი რელიგი-ური ინდივიდუალობა - სხვა რელიგი-ების სამოსში. როდესაც კოპენჰაგენში ქალთა საერთაშორისო დღე ლენინის მე-გობარი ქალის, კლარა ცეტკინის ინიცი-ატივით დაწესდა, შემთხვევითი არ იყო, რომ იგი - ქალთა საერთაშორისო დღე პურიმის დღესასწაულის პირვე-ლი აღნიშვნის დღეზე თანხვედ-რილი აღმოჩნდა. ესთერისა და იაყელის გენეტიკური წარმო-მავლობის ქალბატონმა თავისი ქვეყნისა და თავისი წინაპრები-სადმი სიყვარულით ისიც შეძლო, რომ პურიმის იდეა დროისა და ეპოქის შესაბამის ახალ იდეაში შეეფუთა და მსოფლიოს ქალები პურიმის დღესასწაულზე ეხმო. მილიონობით ქალს ამ დღეს მი-ლიონობით მამაკაცი ულოცავს, მაგრამ გაცნობიერებული არა აქვს, რომ ამ დღესასწაულით იგი ებრაული პურიმის დღესას-წაულსაც უერთდება...

დენიზა სუშვაკი
ფილოსოფიის მეცნიერებათა
დოქტორი, პროფესორი.



„ესთერიზმი“ თუ დენიზაიზმი?

ფილოსოფიის მეცნიერებათა დოქტორის, პროფესორ დენიზა სუმბაძის სტატიები ადრეც წამოვიტყვევებ, ამჯერად კი „ლიტერატურულ საქართველოში“ (13, 4 აპრილი, 2014 წ.) სხვა ავტორებმა მიიქციეს ჩემი ყურადღება (ე. კვიციანი, თ. ბიბილოვი, გ. ხარაბაძე, შ. ზოიძე, თ. კვაჭანტირაძე, ი. ბაბელი) და დ. სუმბაძის სტატიას „ესთერიზმი“, ანუ როცა „ანკესი“ ბირთვულ იარაღზე ძლიერია“ გვერდი ავუარე, მაგრამ რამდენიმე კოლეგიას და მეგობრის სატელეფონო ზარის შემდეგ „ნაიკითხე ერთი, ვგონებ, არასწორად მსჯელობის“, გაზეთს მივუბრუნდი.

დ. სუმბაძე წერილის დასაწყისში ერთობ საჭოჭმანო მოსაზრებას გამოთქვამს: „თანამედროვე მსოფლიოს გადარჩენილ ჯანსაღ ცნობიერებაში უკვე სრულიად მკაფიოდ გამოიკვეთა და დადგინდა აზრი, რომ თანამედროვე მსოფლიოს ახალი წესრიგის დამყარების მიმდინარე პროცესებში, რომელთაც უკვე საკმაოდ გავრცელებული ცოდნით „მსოფლიოს საიდუმლო მანქანა“ მართავს, საჭირო პიროვნებისა, თუ მასების გამოსათავყვანებლად და შემდგომ გამოსაყვანებულის გასანადგურებლად, მთავარი იარაღია ანკესზე წამოგების, ანუ ინფორმაციულ მახეში გაბმის, საპირისპირო მხარის მოტყუების სტრატეგია“.

როგორც კი წავიკითხე ფრაზა „მსოფლიოს საიდუმლო მანქანა“, ვიგრძენი, თუ საით მიემართებოდა ავტორი და ორი-სამი აბზაცის შემდეგ ებრაელებს მიადგებოდა. ამის თაობაზე არაერთგზის წავიკითხე — არიან ადამიანები ამ „მსოფლიოს საიდუმლო მანქანით“ კარგა ხანია რომ გვაფრთხილებენ. ეს უკვე ნაცნობი თარგია: იწყებენ ყბადაღებული „საიდუმლო მანქანებით“ და მიადგებიან ებრაელობას, რომლებიც თუ ამ მანქანის საჭეს არ ჩაფრთხიან, იქვე მაინც ტრიალებენ. ასეთი ტექსტების კითხვისას მსოფლიო სახელის მქონე თეოლოგის — ადინ შტაინზალცის ერთი ხუმრობა მაგონდება: იგი ამბობს, ძალიან მსიამოვნებო ანტისემიტების მოსმენა. მათგან ყოველთვის სასიამოვნო ინფორმაციას ვიღებ. გაიძახიან: მსოფლიოს ფინანსები ებრაელთა ხელშია, დღევანდელ მსოფლიოს ებრაელები მართავენ, ფარული ებრაული ლობი გახლავთ წარმმართველი ყველა მნიშვნელოვანი პროცესისათვის. ყველაფერი ამის მოსმენა გულს მაღამოდ ედებოდა. აი, ებრაელთა მოსმენა კი არ მსიამოვნებს. რაზე ლაპარაკობენ ისინი? „ანტი-სემიტები გვანაიკებენ!“, „გუშინ რაბი ქუჩაში სცემეს“, „ევროპაში მუსლიმები მომრავლდნენ და ანტი-სემიტობაში გაიზარდა“, „ჩვენი სკოლა იხურება, ფული არა გვაქვს!“ და ა.შ.

ზემოთ ვთქვი, ავტორი საჭოჭმანო მოსაზრებას გამოსთქვამს-მეთქი. ეს ფიქრი კიდევ უფრო გამძლიერა მომდევნო აბზაცმა: „და მართლაც, თანამედროვე მსოფლიოს ახალი წესრიგის დასამყარებლად ანკესზე წამოგებულ ჭიაყელბად არ არიან გამოყენებულნი მორალურ-პოლიტიკური იდეები სახელმწიფოებრივი დამოუკიდებლობისა და სახელმწიფოებრივი გაერთიანებისა? გაერთიანებულნი დაეშალათ დამოუკიდებლებად, ხოლო დამოუკიდებლებს გაერთიანებისაკენ მოვუწოდოთ“ დ. სუმბაძის ეს თეზა უარყოფს ხალხთა მისწრაფებას იცხოვრონ დამოუკიდებელ, თავისთავად სახელმწიფოებად, რომელიც სულმნათმა ილიამ დიდებულ მცენებელ ჩამოაყალიბა: „ჩვენი თავი ჩვენადვე გვეყუდნოდეს“.

მე მქონდა ბედნიერება 1991 წელს 9 აპრილს, როცა საქართველოს უზენაესი საბჭოს თავმჯდომარე ზვიად გამსახურდიამ საქართველოს დამოუკიდებლობა გამოაცხადა, უზენაესი საბჭოს დარბაზში ვყოფილიყავი, როგორც საპატიო სტუმარი. ადამიანები, რომლებიც საქართველოს პრეზიდენტის განცხადებას ტაშს უკრავდნენ, მერე კი დამოუკიდებლობის აქტს ხელს აწერდნენ, არა „ანკესზე წამოგებულ ჭიაყელბად“, უძლეველ მხედრებად მესახებოდნენ. თავადაც ბედნიერად ადამიანად მივიჩნევიდი თავს ამ აქტის შემსწრე რომ გავხედი.

ქ-ნ დენიზას უკეთ მოეხსენება, მაგრამ როგორც არ უნდა განმარტოს ეს მოსაზრება, რა კომენტარიც არ უნდა გააკეთოს, მე მაინც დიდი ილიას მცნების მოთაყვანედ ვიგულვებ თავს: „ჩვენი თავი ჩვენადვე გვეყუდნოდეს“. დიახ, გვეყუდნოდეს ჩვენი თავი ჩვენადვე და მერე ვისთან იმეგობრებს ქვეყანა, ვისი მეტი სიყვარული ექნება და ვისი — ნაკლები, ეს მისი გადასანყვეტია და არა სხვათა. ევროპის სუვერენული სახელმწიფოები იმის გამო რომ ერთ კავშირში გაერთიანდნენ, რაღაც არ გვანან „ანკესზე წამოგებულ ჭიაყელბებს“.

ზემოთ ხსენებულ საკითხებს არ გამოვუდგები —

ჩემი ფიქრის, ნუხილის საგანი სულ სხვა რამ გახლავთ და სწორედ ეს მინდა შეეჩვილო მკითხველს: ნუთუ, ამაოდ დავმშვერალვართ ისინი, ვისაც ქართულ-ებრაულ ურთიერთობაზე გვინერია, ნუთუ, ეს კეთილმეზობლური ურთიერთობა ჩვენს მიერ შეთხზული მითია და ქართველთა და ებრაელთა ესოდენ საამაყო მრავალსაუკუნოვან ნათელ მეგობრობაზე საუბარი, წერა დ. სუმბაძის აღნიშნული სტატიის, თუ სხვა პუბლიკაციების იჭვის, განქიქების გლუვ ნაპირებს ეხეთქება? მრავალ ქართველ, ებრაელ მეცნიერს, შემოქმედს, მე — თქვენს მონა-მორჩილს, ადრეულ წლებში, თუ ჩვენს დროში, გვინერია ამ საკითხზე. საამაყოდ გვექონდა, გვაქვს, რომ ვცხოვრობთ ქვეყანაში, რომელსაც არ შეჰყრია იუდოფობიის სამარცხვინო, ერის დამაკინებელი სენი და დღეს, ჩვენს დროში, ებრაელობის განმაქიქებელი ესოდენ მოხშირებული პუბლიკაციებით, ქმედებებით ამ საამაყის უფლებასაც გვართმევენ? რა ვიფიქროთ: ვიდრე საბჭოთა ცენზურა კრძალავდა, სიმშვიდე იყო, დამოუკიდებლობამ, თავისთავადობამ აღვირი გაგვანყვეტინა და იმის თქმის საშუალება მოგვცა, რასაც გულით ვატარებდით?

...ახალგაზრდები ამასხარავებენ, დასცინიან ფაშისტების ჯურღმულებში გაზით გაგუდულ, მოკვდინებულ ებრაელობას — მინისტრი ამას ტაშს უკრავს, გულბანი სიცილითა და ტაშით ავიღებებს უსაზიზღრეს „ხუმრობას“, მერე ტელევიზია გადაღებულ მასალას ამონტაჟებს, მასალა გადის რედაქტორს და არავის აზრად არ მოსდის რომ ეს საძაგლობა ამოჭრას, ხალხს არ აჩვენოს. არ ნიშნავს ეს იმას, რომ „ხუმრობასაც“ ეთანხმებიან და ტაშისცემასაც უერთდებიან?

...ადამიანები ხანუქის სანთლის ამნთებ პრეზიდენტს ისე შესძახიან „შეჩერდი!“ „რას აკეთებ!“ თითქოს კეთილშინაობის ეხვეოდეს. ამ საბრალოთ ისიც კი არ უწყიან, ის, ვის მიმდევრებადაც თავს აცხადებენ, 13 წლის ასაკიდან სისტემატურად ანთებდა ხანუქის სანთელს. ისინი რომ ჭეშმარიტი მორწმუნენი და რწმუნის ისტორიის, საფუძვლების ღრმა მცოდნენი იყვნენ, ცხადია, ასე არ მოიქცევიან.

...ერთობ პოპულარული გაზეთი ნომრიდან ნომერში თვეობით ბეჭდავს რუსი ანტი-სემიტის ოპუსს და მკითხველს წამლავს.

...მაგანი მწერალი გაზეთის ფურცლებზე ებრაელობის მიმართ ისეთ რასისტულ განცხადებას აკეთებს, თავი 30-იანი წლების გერმანიაში გეგონება და ამ დროს თურმე ჩვენ პირში წყალს უნდა ჩავივებოთ, არ უნდა დავიცვათ არც საქართველოს და არც ებრაელთა ღირსება. და თუ ხმას აიმაღლებ, ერთი ვინმე კომენტატორი მთელ საქართველოს მოიბრუნებს, ხალხს ლამის ოჯახებში შეუყაროს გაზეთი, რომელსაც მხოლოდ ერთი ამოცანა აქვს: მკითხველი დაარწმუნოს, რომ ბათიაშვილი ქვეყნის მოლაღატეა, საქართველოს ანტი-სემიტობაში დებს ბრალს, აი, მე კი მას ვებრძვი, საქართველოს ვიცავო.

საქართველოში რომ ანტი-სემიტობაში არ არის, ამ ქვეყანას, ხალხს რომ ეს სენი არ გაჰკარებია, არა ვინრო, მეგობრული წრეში, ყანით ხელში, არამედ მაღალ საერთაშორისო ებრაულ ტრიბუნაზე არაერთგზის მითქვამს — იქნებოდა ეს იერუსალიმსა თუ ნიუ იორკში, ვამინგტონსა, თუ მოსკოვში, ბერლინსა თუ პარიზში. მაგრამ ჩვენში, ჩვენს დღეებში რომ ასეთი პუბლიკაციები ჩნდება, ამაზე ჩვენს ოჯახურ გარემოშიც არ ვისაუბროთ? ისევე წავუყრუოთ, როგორც საქართველოს ადრინდელი, თუ დღევანდელი ხელისუფლების საქციელს: სწორედ იმას უსვამს თავზე ხელს, ვინც გაიძახის საქართველოს დამცველი ვარო და საქართველოსა და ებრაელობის ღირსებისათვის მებრძოლს ათას სიბინძურეში სდებს ბრალს? ეს კი სახელისუფლო პირთა შორს გაუხედაობის დასტურია: ჩვენ არ ვიტყვი, სხვა — უცხო, დადარაჯებული მტერი მოგვახლის ცხვირ-პირში. ჩვენი ნათქვამი საკითხის ოჯახურ გარემოში განხილვა-მოგვარება იქნება, მტრულად მომზირაღლისა კი — მსოფლიოს წინაშე თავის მართლების აუცილებლობა.

ზემოთ ნახსენები და კიდევ არაერთი ფაქტი ჩვენი სინამდვილის თანამდევია. ახლა კი ებრაულ კლასიკურ მემკვიდრეობას გადასწვდნენ — ებრაელობა მონსტრად, ებრაული სულიერება „ესთერიზმად“ მონათლეს. იქნებ, ძნელი ამოსაცნობი არც იყოს, თუ რატომ შეირჩა ასეთი დრო: თუ საქართველოს ებრაულ სამყაროში ამ ბოლო ხანს განვითარებულ ნეგატიურ მოვლენებს გავაანალიზებთ, სწორედ კლასიკურ მემკვიდრეობაზე — „მოსეს ხუთნიგნულზე“, „ესთერის ნიგნზე“ თავდასხმის ჟამი დამდგარა. ხვალ სხვა ღირებულებებს გადასწვდებიან.

„ესთერიზმს“ მივუბრუნდეთ. ისე როგორც ქ-ნმა დ. სუმბაძემ, პუბლიკაციის ავტორის სახელიდან გამომდინარე, მისი სჯავნი მეც სათაურშივე მოგნათლედენიზაიზმად. ამ შემთხვევაში დენიზაიზმი რას გულისხმობს? ნანარმოების არაადეკვატურ რეალობაში გადატანას და აქედან გამომდინარე, სრულიად შეუსაბამო „მეცნიერული“ დასკვნის გამოტანას. ნანარმოები ბოროტებაზე სიკეთის უცილობელი გამარჯვების თემაზეა, დენიზაიზმი კი მას ებრაელი ხალხის ხასიათის გამოხატულებად — მონინააღმდეგე მხარის „ანკესზე წამოგების“ ბრწყინვალე ნიმუშად აცხადებს. და თუ ეს ასე არ არის, თუ ჩემში ემოცია ჭარბობს, რას ნიშნავს დ. სუმბაძის განცხადება: „ცხოვრების გზის სწავლების ყველა სხვა ხერხთან ერთად, შეიძლება ითქვას, რომ ბიბლია, უფრო სწორად, პირველი ნაწილი ბიბლიისა, „ძველი აღთქმა“, კაცობრიობის წმინდა ნიგნად აღიარებული დიდი თხზულება ებრაელი ხალხისა, მონინააღმდეგე მხარის „ანკესზე წამოგების“ ამ უნარის გამოწვეობისა და ამ „ტიქნოლოგიის“, ანუ ამ ხელოვნების ფლობის სახელმძღვანელოც არის.“

რა არის ეს — უცოდინარობა, უნიგნურობა? არა, ამას დ. სუმბაძეზე ნამდვილად ვერ იტყვი. ეს არის დენიზაიზმი, როცა გნადია, შავი თეთრად, თეთრი კი შავად წარმოადგინო. ნიგნი კაცობრიობის მიერ წმინდა ნიგნად არის აღიარებული, დენიზაიზმი კი ტექნოლოგიის სახელმძღვანელოდ გვიცხადებს. თურმე მონინააღმდეგე მხარის ანკესზე წამოგებას გვასწავლის „დაბადება“ — ამბავი იმაზე, თუ როგორ შექმნა უზენაესმა ცა და ხმელეთი, როგორ განსახა ადამიანი, ცოდვითა მომრავლების გამო დედამიწაზე როგორ მოავლინა წარღვნა. თურმე „ანკესზე წამოგების“ სახელმძღვანელოც ყოფილა ის ორმოცი წელიწადი, რომლის განმავლობაში ერთ უდაბნოში ვიდოდა.

„და ამ ტექნოლოგიის ფლობისა და გამოვლენის ბრწყინვალე ნიმუშია „ბიბლიის ერთ-ერთი კანონიკური ნიგნით გადმოცემული ამბავი. ამბავი ხალხის ეროვნულ გმირად აღიარებული ქალის — ესთერის“ ეს ქ-ნ დენიზა სუმბაძის მოსაზრებაა. მე მის მოსაზრებასთან რა ხელი უნდა მქონდეს. მის მრწამსს მე რატომ, რისთვის უნდა ვეკამათო, მაგრამ როცა იგი ამ მოსაზრებას გაზეთის ფურცლებზე ასაჯაროებს, ე.ი. ცდილობს ათასობით მკითხველს თავისი ერთობ ტენდენციური მოსაზრება მოახვიოს თავს, ალბათ, მკითხველს უნდა ვუთხრა, რომ ქ-ნი დენიზა სუმბაძე ნანარმოების დედააზრს ცვლის, პერსონაჟთა ქმედებას დამახინჯებულად წარმოგვიდგენს და თავისი თეზის დასადასტურებლად მკითხველი შეცდომაში შეჰყავს — „ესთერის ნიგნის“ არასწორ, ტენდენციურ ინტერპრეტაციას ეწევა, ეს კი სულაც არ უწყობს ხელს კლასიკური მემკვიდრეობის მეცნიერულ შესწავლას (ალარაფერს ვამბობ იმაზე, თუ როგორ სამსახურს უწევს მრავალსაუკუნოვან ქართულ-ებრაულ ურთიერთობას). ბოლოს კი ქართველ ებრაელობას გადასწვდება და ისეთ ცოდვაში ითრევს, როგორშიც იგი ვერც ვერასოდეს ჩადგებოდა.

დიახ, დ. სუმბაძე სრულიად არასწორად, ტენდენციურად (არ მინდა ვაკადრო — იუდოფობიური ვენებით), დამახინჯებულად განიხილავს „ესთერის ნიგნს.“

მივყვეთ ავტორის მსჯელობას, რაზეც იგი თავის კონცეფციას აგებს: „ესთერიზმის“ ავტორი ესთერსა და მორდეხაის ისე წარმოგვიდგენს, თითქოს ისინი თანამედროვე ისრაელის სპეცსამსახურის — „მოსადის“ მიერ იყვნენ შეგზავნილნი ახაშვეროშის კარზე; „ბიბლიური გმირი ქალის, იაყელის ფსიქოლოგიური და მორალური განგრძობა ახალი ბიბლიური გმირი ქალი(?) ესთერი, რომელიც სპარსეთის მეფის ცთუნებით სპარსეთის დედოფალი ხდება, თუმცა, ამ მაცთუნებელი სიცრუით ის მარტო არ არის. ის სასახლეში შეგზავნილი დედოფალია იმისათვის, რომ საჭიროების შემთხვევაში დაიცვას ებრაელთა ინტერესები სპარსეთში“. წერს დ. სუმბაძე. ამ სტრიქონებში ჩანს, როგორ ესწრაფვის არასწორად, დამახინჯებულად წარმოადგინოს და ამ გზით დააკინოს, გააქარწყლოს ებრაული კლასიკური მემკვიდრეობის ადგილი მსოფლიო ლიტერატურის საგანძურში. ებრაელობა კი ერთგვარ მონსტრად წარმოაჩინოს.

ნუთუ, მართლა ასეა? ჩაგხედოთ „ესთერის ნიგნს“. აქ წერია: „და შეუყვარდა მეფეს (ახაშვეროშს.გ.ბ.) ესთერი ყველა ქალთაგან, სანდომიანობა და წყალობა ჰპოვა ყველა მის წინაშე ქალებზე მეტად და დაადგა თავზე სამეფო გვირგვინი და ვაშთის ნაცვლად გადაედოფლა“.

დ. სუმბაძის ინტერპრეტაციით მორდეხაისა და

ესთერის მაცთუნებლობა იმაში გამოიხატება, რომ დედოფლობის კასტინგზე გამოცხადებულმა ესთერმა, მორდების რჩევით, თავის ეროვნებაზე არ ისაუბრა. ნუთუ, ამ მოსაზრების ავტორს არ უჩნდება კითხვა: რა უფრო მნიშვნელოვანი დეტალია: ის, რომ ესთერმა თავის ეროვნებაზე არაფერი თქვა, თუ ის, რომ „და შეუყვარდა მეფეს ესთერი.“

და ყველაზე მნიშვნელოვანი, რომელიც აცამტვერებს დ. სუმბაძის ბრალდებას ესთერისა და მორდების მიერ სამეფო კარის, მეფე ახაშვეროშის ცთუნების თაობაზე: როცა სამეფო კარმა ვაშთის შემცველის სადედოფლო ქალწულზე ქასტინგი გამოაცხადა, არ იყო დათქმული რასისტული პირობა: ებრაელები ნუ მორბანდები, არ გვსურს დედოფლობის მაძიებელ ქალწულთა შორის ებრაელი ვიხილოთო. მთავარი გახლდათ მეფის თვალში, თუ როგორ მოწონებდა ჰპოვებდა დედოფლობის მაძიებელი ქალწული. ჰკითხა კი ვინმემ: ვინ ხარ, რა რჯულისაო? ასე რომ, ესთერს არავინ უცთუნებია.

ესეც არ იყოს, აქ მთავარი ის კი არ არის, რომ ესთერმა ეროვნებაზე არაფერი თქვა, არამედ „და შეუყვარდა მეფეს ესთერი“. რომ არ მოსწონებოდა, რომ არ შეყვარებოდა, რა აზრი ჰქონდა, ესთერი იუდეველი იქნებოდა, თუ კერპთაყვანისმცემელი. ქასტინგი მრავალმა არაიუდეველმა გაიარა. მერე რა?

რაზე მეტყველებს ის ფაქტი, რომ მორდებამ ესთერს ურჩია, ეროვნულ წარმომავლობაზე არაფერი ეთქვა (თუმცა, არც არავის უკითხავს), —საზოგადოებაში ებრაელობისადმი დამოკიდებულებაზე, თუ ესთერის და მორდების მაცთუნებელ ბუნებაზე? სად, რომელ ქვეყნებში არ აცხადებენ, ებრაელები თავიანთ წარმომავლობას? უნდა ვივარაუდოთ, რომ იმდროინდელი სპარსეთის იმპერიაშიც მოიძებნებოდნენ ადამიანები, რომლებიც ასევე ნეგატიურად იყვნენ განწყობილნი იუდეველთა მიმართ, როგორც „ესთერიზმის“ ავტორი გახლავთ. მორდებამ, როცა ესთერს ეს რჩევა მისცა, გართულებას აარიდა თავი. დღესაც კი, ჩვენს განათლებულ, ცივილურ საუკუნეში ამა თუ იმ ქვეყანაში ბევრი ებრაელი იძულებულია დამალოს თავისი ეროვნება. საქართველოშიც კი ბევრ ჩემს თანატოლს მას შემდეგ „გაახსენდა“ თავისი ეროვნება, როცა ისრაელი ესოდენ დანინაურებული ქვეყანა აღმოჩნდა, ხოლო ებრაელობა, არც ისე საძრახისი, როგორც ამას ზოგიერთი მეცნიერი, თუ პუბლიცისტი გაიძახოდა. ზოგიერთი ქართველი ებრაელის საბჭოეთის დროინდელ პასპორტში მცხუთე გრაფის ინფორმაციით რომ დავინტერესდეთ, უსიამოვნო გრძნობა დაგვეუფლება — ადამიანი თავის ეროვნებას მალავდა. ჩვენი ნელთადრიცხვადელი სპარსეთი კი საბჭოთა კავშირზე უფრო ცივილური ვერ იქნებოდა (მახსენდება ერთი ასეთი შემთხვევა: მე და ჯემალ აჯიაშვილი იტალიაში გახლდით ევროპის ებრაელთა კონფერენციაზე. საღამო ხანს ჯემალმა თბილისში, შინ დარეკა. შვილმა, თუ მეუღლემ სიცოცხლი უამბო გუშინდელ შეკრებაზე რამდენიმე „ცნობილმა“ ქართველმა ებრაელმა ერთი აურზაური ატეხა, რატომ არის რომ უცხოეთში სულ აჯიაშვილსა და ბათიაშვილს ინვევენო. ჯემალმა გაბრაზდა, მთელი საღამო გაიძახოდა: „რატომ თავთავიანთ პასპორტებში არ იყურებინან, ახლა გაახსენდათ, რომ ებრაელები არიან, ჩვენ ხომ სულ ებრაელებად გვიცხოვრია!“)

და შემდეგ: ქ-ნ დ. სუმბაძეს მორდებამ „ანკესზე ნამოგების ტექნოლოგიის“ შემოქმედად მიაჩნია: მორდებამ ჰამანს „იუდეველთა სიძულვილი ხელოვნურად მოახვია თავს“ ნუთუ, მართლა ასეა — ეს ბრძენი იუდეველი დადის და დაეძებს, თუ ვინ მოიკიდოს მტრად? მორდებამ ჰამანს ებრაელთა სიძულვილი მოახვია თავს, თუ ეს დიდებული, ესოდენი ჩინოსანი ამპარტავნობის, მის სულში დაბუდებული სხვათა დათრგუნვის ჟინმა იმსხვერპლა? ისევე „ესთერის წიგნს“ ჩახვდით: „იხილა ჰამანმა, რომ მორდებამ მუხლს არ იყრიდა და თავყვანს არ სცემდა მას. და ჰამანი აღივსო რისხვით“ ამპარტავანი, დანინაურებული ჰაგაგიელი განრისხდა იმის გამო, რომ მუხლს არ უყრიან, ვიღაც თავყვანს არ სცემს. დ. სუმბაძე ჰამანს იცავს და მორდების, პროვოკატორად მიიჩნევს. მე კი ვფიქრობ: მორდებამ დიდი შინაგანი ძალის, ზნეობრივი პიროვნებაა — ვის არ უყრის იგი მუხლს? ჰაგაგიელ ჰამანს — ებრაელთა ისტორიული მტრის ნაშიერ დიდმოხელეს. ე.ი. არ არის დიდებულითა წინაშე მუხლებზე მხოხავი კაცი (აფერუმ!)

მაგრამ არის ერთი გარემოება: მორდებამ მეფის ბრძანებასაც კი — დიდებულის მუხლი მოუდრიკეთ, პატივისცემით მოექცითო, გვერდი უქცია. მორდებამ ზნეობრივად მართალია, თუმცა, მეფის კანონთა შეუსრულებლობისათვის უნდა დაისაჯოს, მაგრამ დ. სუმბაძე ამ დეტალს ყურადღებას არ აქცევს: „მის თვალს (ჰაგაგიელი ჰამანისას. გ.ბ.) დამამცირებლად ეჩვენა მართლ მორდებისა ხელყოფა. აუწყეს რა მას მორდების ხალხის შესახებ, განიზრახა ჰამანმა მოესრა მთელი ებრაელობა, მორდების ხალხი, ვინც

კი იყო ახაშვეროშის მთელ სამეფოში.“ ხედავთ, დ. სუმბაძის მიერ მორდების „ინტრიგის“ მსხვერპლად წარმოდგენილი ჰამანი სად მიდის, რა განიზრახა? იმას კი არ სჯის, ვინც ზნეობრიობა, ერის ისტორიული მეხსიერება მეფის ბრძანებაზე მალა დააყენა და ისტორიულ მტერს მუხლი არ მოუყარა, განიზრახა მოსპოს მთელი ერი — იმპერიაში აღარ დარჩეს აღარცერთი ებრაელი (და თუ ამ პერიოდში — ჩვ.წ-მდე VI-V საუკუნეებში, საქართველოც იმ 27 სამთავროში შედიოდა, რომლის ბედსაც ახაშვეროში განაგებდა, და თუ დ. სუმბაძის მიერ შებრალებული ჰამანის გეგმა ასრულდებოდა, საქართველოს ებრაელობაც მოისრებოდა — „ქართლის ცხოვრებისა“ და კათალიკოს-პატრიარქის, უწმინდესისა და უნეტარესის კირიონ მტორის მიხედვით, ჩვენ უკვე აქ ვიყავით და იმის გამო, რომ მორდებამ ჰამანს თავყვანი არ სცა, აღარ ვიქნებოდით.).

როგორ, რა გზებით ცდილობს ჰამანი მიზნის მიღწევას? ვნახოთ, თუ როგორია მისი მეთოდი, რადგან მიზნის მისაღწევად გამოყენებული საშუალებები ძალიან კარგად ახასიათებს ყოველ პიროვნებას. „ესთერის წიგნი“. თავი მესამე. „უთხრა ჰამანმა მეფე ახაშვეროშს: არის ერთი ერი, მიმოფანტული და განთესილი ხალხებს შორის შენი სამეფოს მთელ სამთავროებში. მათი კანონი განსხვავდება ყველა ხალხის (რჯულისაგან) კანონთაგან და არ ასრულებენ მეფის კანონებს. არაფრად უღირს მეფეს მათი დატოვება. თუ კეთილინებებს მეფე, დაინეროს მათი განადგურება“.

ჰამანმა ის კი არ მოახსენა მეფეს არის ერთი კაცი, რომელიც შენს კანონს არაფრად აგდებს და უნდა დაისაჯოსო, არა, მეფეს ხალხის განადგურების, სრულიად მოსპობის პროექტი წარუდგინა.

1. მათი კანონი განსხვავდება ყველა ხალხის (რჯულისაგან) კანონისაგანაო.
2. ეს ხალხი მეფის კანონებს არ ასრულებსო.
3. უამათოდ მეფე ახაშვეროშს არაფერი დააკლდებაო.
4. ამის გამო მათი განადგურების ბრძანება გამოცვეთო — დაინეროსო.

პირველი ბრალდება — ებრაელთა განსხვავებულობა, თავისთავადობა ყოველთვის გახლდათ მათი დევნის ერთ-ერთი მიზეზი — ადამიანებს არ უყვართ მათგან განსხვავებული თავისთავადი პიროვნება, ხალხი.

მეორე ბრალდება — ნაყოფია სიუზერენტა მარადიული სენისა: დიდებულები ზოგჯერ ძალუძთ ხელმწიფეთ ის „შეუცურონ“, რაც ძალაუფლებას განუმტკიცებდნენ და შურისძიებას თუ „კეთილის ქმნას“ შეიძლებოდათ. მორდების „მსხვერპლმა“ ჰამანმაც კარგად იცის მძლეთამძლე ახაშვეროშს როგორ „შეუცუროს“ სასურველი: ამით შენს სამეფოს არაფერი დააკლდება, კანონი კი ასრულდებაო. ასე რომ ერთი პიროვნების ზნეობრიობის გამო დიდებულებმა მთელი ერის მოსპობა-განადგურების ვერდიქტი გამოსცეა მეფეს.

იმედს ვიტოვებ ჩემი ამ შენიშვნების გამო ქ-ნი დ. სუმბაძე ისე არ გამინაწყენდება, მთელ ქართველ ებრაელობაზე იძიოს შური. თუმცა, ამ მიმართებით მან უკვე გადადგა ნაბიჯი: ქართველ ებრაელობას დიდ ცოდვაში დასდო ბრალი. ციტატა: „ერთ-ერთი ქართველი ებრაელი, პოლიტოლოგი და საზოგადო მოღვაწე ქართველი ებრაელების ისტორიულ დამსახურებად გადმოგვცემს თამარ მეფის დაქორწინებას გიორგი რუსზე, იმ ქართველ ებრაელების, რომლებიც საქართველოს სამეფო კარზე დანინაურებულნი იყვნენ და შესაძლებლობა ჰქონდათ გავლენა მოეხდინათ სამეფო კარის ცხოვრებაზე. ჩვენს მიერ ბიბლიური „ესთერის წიგნისა“ და ესთერისა და მორდების პიროვნული ფენომენის გადმოცემის

შემდეგ, ნათლად წარმოსადგენი ხდება, თუ როდენ ძლიერი უნდა ყოფილიყო მეფე თამარი, რომ უნესო გიორგი რუსიც აელაგმა და ყოველგვარი მცდელობანიც მისი ძალაუფლების შეზღუდვისა ებრაული წარმომავლობის მოხელეთაგან“.

ოჰ, ოჰ, ოჰ! 1. მოდით, ჯერ ის ქართველი ებრაელი „პოლიტოლოგი და საზოგადო მოღვაწე“ ვიკითხოთ, რომელიც ასეთ უცნაურ, პირწმინდად კონიუნქტურულ ინფორმაციას აწვდის მკითხველს: ეს პოლიტოლოგი დილა-საღამოს ტელეეკრანიდან ისრაელის სახელმწიფოს სიავეზე გვესაუბრებოდა, ეს ის ქართველი ებრაელი „მოღვაწე“, თავის წიგნში რომ გამოგვიცხადა: ამრიგად, ისრაელი არ არისო ებრაელი ხალხის სამშობლო, ეს ის „პოლიტოლოგია“, 127 მილიონიან არაბულ სამყაროს, ამათგან კი ბევრი ჰამანის სულიერი მემკვიდრე იყო და არის, ოთხ-მილიონიანი ისრაელის აგრესიის სამიზნედ და მსხვერპლად გვიცხადებდა. დ. სუმბაძე ასეთ დასკვნას გვთავაზობს არაკომპეტენტური ავტორის შრომაზე დამოკიდებით და ვერაფრით ვერ მოვუწონებთ იმას, რომ ამ კონიუნქტურისტი ერთი ფრაზის საპირისპიროდ ცდილობს წარმოგვიდგინოს თამარ მეფის სიდიადე — თამარ მეფე იმდენად დიდი მოვლენა გახლავთ, უხერხული, უკადრისცაა ამგვარი მოღვაწის ფონზე გვიმტკიცებდნენ ურყევ ჭეშმარიტებას.

2. რომელ „ებრაული წარმომავლობის მოხელეებზე“ და მათს მიერ თამარ მეფის „ძალაუფლების შეზღუდვაზე“ გვესაუბრებთ ავტორი? სად იყვნენ ეს „ებრაული წარმომავლობის მოხელეები“? იქნებ, ქ-ნ დ.სუმბაძეს „ქართლის ცხოვრებაში“ ჩახედნა, რომ ერთი კონიუნქტურისტი „მოღვაწის“ გამო ქართველი ებრაელობა ასე არ მოეხსენიებინა?ამ თემაზე არსებობს თანამედროვე ქართველ ებრაელთა შრომებიც. და თუ ქ-ნი დ. სუმბაძე არც „ქართლის ცხოვრებას“ ჩახედავს, არც თანამედროვე ქართველ ებრაელ ავტორთა წიგნებს, იმედს ვიტოვებ, რომ დამერწმუნება: საქართველოს სამეფო კარზე არა-რა „ებრაული წარმომავლობის მოხელეები“ არ იყვნენ. ვინ ეკითხებოდა ქართველ ებრაელობას თამარ მეფის შეუღლების საკითხის გადაწყვეტას. „ქართლის ცხოვრება“ საკმაოდ ცხადად გვამცნობს, თუ რა მისია დაეკისრა ზანქან ზორაბაბელს. ამ თემაზე მეც მიმუშავნია და რომანში „ჟამი დუმილისა და ჟამი უზნობისა“ შევეცადე გამომეხატა ზანქან ზორაბაბელის სულიერი მღვღანეობა, შინაგანი შფოთი, დიდი პასუხისმგებლობა ქართული სახელმწიფოს წინაშე.

შესაძლოა, ზოგიერთმა ახლომხედველმა იფიქროს, აი ბათიაშვილი ებრაულ ფასეულობებს დაცვას არის მონოდებულო. რასაკვირველია, ებრაულ ფასეულობებს ვიცავ, მაგრამ ზემოთ არაერთხელ ითქვა, კვლავაც ვიმეორებ: ერთნაირად ვიცავ ქართულსა და ებრაულს, რადგან ასეთი პუბლიკაციები უწინარესად, იმ ქვეყნის, იმ კულტურის, ღირსების დამაკინებლად მიმართა, რომელსაც მე ვეკუთვნი. ამას გარდა, ბიბლიის ნებისმიერი წიგნის გაბრიაბრება, შეურაცხყოფა ქრისტიანობის შეურაცხყოფაც გახლავთ, „ძველი აღთქმა“ კი, ეს დ. სუმბაძეს უნდა მოეხსენიებოდეს, ქრისტიანობისთვისაც წმინდა წიგნია. ზოგიერთი ავტორი კი ისე გაუტაცნია ებრაელობათა დამცრობის, მონსტრად გამოყვანის სურვილს, ქრისტიანულ ფასეულობებსაც არ უფრთხილდება.

დასასრულს, არ შემოძლია არ დავსვა ერთი კითხვა: საქართველოში რატომ ინერება ასეთი ხასიათის წერილები, ვის სჭირდება ისინი?

გაზეთი „ლიტერატურული საქართველო“ №17. 2 მაისი. 2014 წ.

სასამართლო ქრონიკა

როგორც მკითხველს უკვე ვაუწყებდით, სპორტულმა კომენტატორმა ჯამლეტ ხუხაშვილმა თბილისის საქალაქო სასამართლოში ექვსჯერ აღძრა საქმე მწერლის, გაზეთ „მენორას“ რედაქტორის გ. ბათიაშვილის წინააღმდეგ. ექვსივე საჩივარი (ორჯერ საქმე აღძრული იქნა ხუხაშვილის თანამოაზრეების მიერ იმ ბრალდებით, რომ გ. ბათიაშვილი გახლავთ საქართველოს მოღალატე — იგი წერს, საქართველოში ანტისემიტიზმი მძვინვარებსო და ა.შ.) სასამართლომ საჩივარი წარმოებაში არ მიიღო. ჯ. ხუხაშვილმა მეშვიდედ შარშან ებრაული ახალი წლის წინა დღეებში აღძრა საქმე ბათიაშვილის წინააღმდეგ იმ ბრალდებით, თითქოს ბათიაშვილი მას ცილს სწამებდა ნარკოტიკებით ვაჭრობაში. საქმე წარმოებაში იქნა მიღებული და გ. ბათიაშვილს სწორედ რომ ჰამანის წინ გადაეცა სასამართლოს უწყება, რომელშიც ხუხაშვილი ბათიაშვილისგან ბოდიშის მოხდას ითხოვდა.

2013- 14 წლებში გაიმართა სასამართლოს ოთხი სხდომა. 7 მაისს თბილისის საქალაქო სასამართლომ გამოაცხადა თავისი ვერდიქტი — სასამართლომ არ გაიზიარა, უარყო ხუხაშვილის მიერ ბათიაშვილისადმი ნაყენებული ბრალდებები.

მკითხველს შევახსენებთ, რომ 2012 წელს ხუხაშვილმა ისრაელში, ხაიფის სასამართლოში ასევე აღძრა საქმე ბათიაშვილის წინააღმდეგ. ხუხაშვილის ეს აქცია მისი დაჯარიმებით დასრულდა.

როგორც ამბობენ, ხუხაშვილი აპირებს მიმართოს სააპელაციო სასამართლოს. ხუხაშვილმა ხომ „საქართველოს მოღალატე“ ბათიაშვილთან ბრძოლის ფონზე დივიდენდები მოიპოვა

არაერთი გამოჩენილი ქართველი მეცნიერი იყო. აქვე გავიცანით პროფ. იულონ გაგოშიძე, რომელიც მაშინ მცხეთის რაიონის პრეფექტი იყო. მანვე გამოთქვა სურვილი ჩვენი თანამეგზური ყოფილიყო. მეორე დღეს მცხეთის მიდამოებში დავიარებოდით: ბაგინეთი არმაზისხევი. სვეტიცხოველი და სხვა. სწორედ ის ადგილები რომლებიც ადრე გვქონდა დათვალაიერებული აკად. ანდრია აფაქიძის, პროფ. გივი ლამბაშიძისა და სხვების თანხლებით. ყოველ ასეთ დაზვერვა-შესწავლას თუ ექსპლუატაციას თავისებური ელფერი დაჰკრავდა.

თითქმის მთელი დღე დავყავით. იულონმა და მე მაშინ მცხეთაში, შუადღე გადასულს სასტუმროში დამბარუნა თავის სამსახურებრივი მანქანით და დამემშვიდობა თუძკე კი... მოკლე ხნით. სულ რაღაც ერთი საათის შემდეგ ისევ მომაკითხა, მითხრა პრეზიდენტი გელოდებათო. დაუყოვნებლივ გავემზადე და წავყევი, თან შოთა ბოსტანაშვილის მიერ გამოცემული ფოტო-დოკუმენტაცია გავიყვლიე პრეზიდენტ გამსახურდიასთან შეხვედრისას ამ სავალალო ვან-დალიზირების ფაქტის დასადაგენად და გამოსაკითხად. საუბარმა ორ საათამდე გასტანა პრეზიდენტის კაბინეტში. სახეზე ეტყობოდა ზვიადს რაოდენ შენუხებულ იყო იგი, გაოგნებული და სახტად დარჩენილი, ის კი დასძინა, რომ წინასწარი ძიების მიხედვით ადგილი ჰქონდა კარგად ჩაფიქრებულსა და გამიზნულ პროვოკაციას, მისი ხელისუფლების დისკრედიტაციისაკენ მიმართულს. იგი სინანულს, ნუხილს და ნუგეშისცემას გამოთქვამდა საქართველოს კერძოდ თბილისის ძველი ებრაული სასაფლაოს შელახვის გამო. და ეს თანაბრად ეხებოდა ყოველ ებრაულ სასაფლაოს საქართველოს ტერიტორიაზე, მიუხედავად იმისა, რომ ამ სტრიქონების ავტორის მამის ნეშტი სწორედ თბილისის მშობლიურ სასაფლაოზე განისვენებს ჩრდილო-დასავლეთის მიმართულებით, ზემო გალავანთან ახლოს. პრეზიდენტთან შეხვედრისა და საუბრის სხვა ასპექტებს ჩვენი აქ არ შევხვებით, საცნაური იყო მხოლოდ ის ფაქტი, რომ ჩვენს შორის სწორედ ის ავბედითი სურათები ენყო, ვითარც მანიშნებელი რაღაც არასასურველისა და... განწირულობისა. შოთასეული სურათები, რისთვისაც მისი საუკუნოდ მაღლიერნი გზადგობოდა. ის ხომ ელოდებოდა ყოველი საფლავის ქვას, განიცდიდა მის სიძველესა და მოცვეთილობას, მისთვის იქ, უპირველეს ყოვლისა, ადამიანი ესვენა, და მხოლოდ შემდეგ ესა თუ ის პიროვნება: დიდი, პატარა, კაცი თუ ქალი, ახალგაზრდა თუ მოხუცი, ქრისტიანი თუ ებრაელი.

შოთა აბრამის ძე ბოსტანაშვილი (დ. 1948 წელს), ჩვენზე ორი წლით უმცროსი, ასზე მეტი არქიტექტურული პროექტის ავტორი, ლექტორი, პროფესორი, საერთაშორისოდ აღიარებული „არქიტექტურის პოეტიკის“ შემქნელი. შოთასთვის, მოცემული შენობა, აღსამართავი სტრუქტურა უნდა სუნთქავდეს, მღეროდეს, არსებობდეს თავის შინაგანობით, ფენომენოლოგიური დატირებით. 1989 წელს ჩვენი განსვენებული კოლეგის, სემიტოლოგის ნისან ბაბალიკაშვილის სახელობის საქართველოს ებრაელთა მატერიალური კულტურის ფონდმა გამოსცა შოთა ბოსტანაშვილის მონუმენტალური ნაშრომი „სინაგოგებისა და ებრაული სასაფლაოების არქიტექტურა საქართველოში“, რომელშიც შევიდა შესავალი ტექსტი და საილუსტრაციო ფოტოები. მეორე ნივთში განზრახული იყო სინაგოგებისა და მესამეში — სასაფლაოების ხუროთმოძღვრული კვლევა. და ჩვენც მივეყვებით შოთასეული ძიებისა და აღმოჩენების ლაბირინთებს. მაღლივი თაღოვანი ფანჯრები ბრწყინვალედ დაგვემჩიო სალოცავებში, ორნამენტული სვეტების სიდიადე, თითქოს დიდ ხელოვანს საკუთარი ხელით მოუქარავს ეს ჩინებული კედლები, საუცხოოდ გრავირებული ამგონები, ზეარს აღსავალი საფეხურებით, შესანიშნავი კანდელობები ირიბად შემოჭრილი მზის სხივების თამაშს რომ ესაღმუნებთან ანგელოზისებურ დაცემულ ჩრდილებთან. შოთასეული ფოტოილუსტრაციები რაოდენ ეხმაურებიან და ესინთეზებიან გალაკტიონის ლირიკული სახეების სერიას: — შევდივართ სასახლეში, წმინდაო დამიცევი... — ანდა „შემოდგომა წმინდა მამათა უმანკო ჩასახვის სავანეში“. ანდა: — შემოიჭრება სიონში სხივი და თეთრ ოლარებს ააღვარებს — ასეთსავე ასოციაციებს ინვესტ ტერენტი გრანელისეული „ნითელი მზე აელვარდა მინებთან, მოდის ჩუმი და ცისფერი ღამე, — უიმედო გულის ფეთქვა მინელდა, შენ წმინდაო მაცხოვარო, ამინ!


და აი, შოთაც სცემს ამენს ასეთ თვალწარმტაც არქიტექტონიკურ ლირიკას მის მიერ გადაღებულ ფოტო-დოკუმენტებში. ეს შესაძლოა იყოს იგივე

„მეწიერა“ ბამოსცა

ამ დღეებში სრულდება წლისთავი გამოჩენილი ებრაელი მოღვაწის, არქიტექტურის პროფესორის შოთა ბოსტანაშვილის გარდაცვალებიდან. ჩვენი გაზეთის მკითხველისათვის ცნობილია, რომ შ. ბოსტანაშვილი „მეწიერას“ სასახლო ახტორი გახლდათ — ამ გაზეთში ხშირად იბეჭდებოდა მისი სტატიები, რომლებშიც განიხილებოდა საქართველოს ებრაელობის აქტუალური საკითხები — იგი ხომ გულმშურვალე ქობაგი გახლდათ თავისი ერისა.

შ. ბოსტანაშვილის გარდაცვალების წლისთავთან დაკავშირებით გაზეთმა „მეწიერამ“ გამოცემა მომწერო კრებული „შოთა ბოსტანაშვილი მწიერის ფურცლებზე“ — წიგნი შესულია შ. ბოსტანაშვილის მიერ ამ გაზეთის ფურცლებზე დაბეჭდილი სტატიები წინა საუკუნის 90-იანი წლებიდან სიცოცხლის ბოლომდე. ასე რომ, მკითხველს საშუალება ეძლევა ნაწილობრივ მაინც გაეცნოს ამ ჩინებული მოღვაწის შემოქმედებას.

წიგნი ასევე შესულია ქართველ და ებრაელ მოღვაწეთა მიერ შ. ბოსტანაშვილის გარდაცვალებასთან დაკავშირებით დაწერილი სტატიები. აქ წაიკითხათ ემზარ კვიტიანიშვილის, გურამ ბათიაშვილის, რუბენ ენოხის, იოსებ ბარდანაშვილის, მარინე ბუჩუკაშვილის და სხვ. წერილებს.



თბილისეული სალოცავი, მეორე სართულზე, თებიდან ხელმარცხნივ, შუაგულში. აქ მამისეულ საგვარეულო, წარწერა-მონიშნებულ სკამზე განვლო ჩვენმა ბავშვობამ, დიდი ფანჯრის გამოსწორი. თვალს შევავლებდით აქედან ლურჯ მოფიროსო (ვას და თითქოს უხილავი ძალების შემოვლან-შემობრუნებას მოველოდით. შოთამ შესძლო წარმოესახა ეს იდილია გეომეტრიულ კონტურებსა და მხატვრულ ფერებში. ეს ხომ ის თორისეული მიშქანია, რომელიც უზუნაესმა მოითხოვა მოშესგან, ყოველი თვითვეული ისრაელის გულში, სულიერებაში, მიშქანი — მოსავანებელი შექმნათ უზენაესი განგებისათვის, ლამაზად მოქარგულ-მოკემსილ ფარდებს ვაკვირდებით, შემდეგ მზერა უნებლიედ მოოქროვილ შანდლებზე გადადის... ათენდება და აღამდება ამ დიდებულსა და სათაყვანებელ მიშქანებს თავის საწუკვარ არონ-ჰაედუთებით. შოთა და მისი თანამშრომელი კოლეგა იური მეჩითოვი ახერხებენ ზუსტ ფოკუსში მოაქციონ გადასაღები ობიექტი იქნება ეს ქუთაისში „მწვანეყვავილას“ კედლის მხატვრობა თუ ახალციხის ძველი სალოცავის ფასადი, ლამაზად ამონვიღვული მასზედ დავიდები თუ ორდაფოვანი ათი მცნების შემცველი წარწერები, ოსტატურად დამზადებული გრძელი სკამების რიგი თუ მაღალ-თაღოვანი ჭერი. ვეცნობით თბილისის ძველი უბნის შესანიშნავ ხედებს. 1905 წლიდან მოქმედ ახალციხელების ლოცვას, სადაც 1940-1950-იან წლებში ამ სტრიქონების მამა ხაიმ დავითაშვილი ხელმძღვანელობდა საკრებულოს, ცოცხლდებიან თავდადებული გაბაების ეფრაიმ ფარლაგაშვილის, ხაიმ მორდუხაშვილისა და სხვების სახეები. ჩვენი გამოჩენილი რაბები და ხახმები: ყიმიანულ დავითაშვილი, მოშე და აბრამ ჯანაშვილები, ბეცალელ ბაბალაშვილი, და რა თქმა უნდა, ჩვენი ამადგარი აღმზრდელი და მასწავლებელი რაბი ისრაელ ბაბალიკაშვილი. მათ ხომ მთელი ეპოქა შექმნეს ჩვენი ბავშვობისა და ყრმობის გარკვეულ პერიოდს რომ დაემთხვა. ვაკვირდებით წმინდა თორის გრაგნილების შემნახველ კარადებს, ჩინებულად გაფორმებულ ინტერიერებს. ამდენი საკრებულო სახლი, ძველი კომპლექსების ნაშთები, სასაფლაოები და საფლავის ქვები თავის ლაპიდარული წარწერებითა და რიტუალურ-ტრადიციული სიმბოლოებით: მენორა, შოფარი, ლულაბი, ეთროგი, მაგენ-დავიდი, საყოველთაო სამარხოვანის აღმნიშვნელი აბრევიატურა: ფო ნიკბარ — აქაა დაკრძალული“ ან „აქ მოივანებს“ და დამასრულებელი — თნცვ“ — იქნეს მისი სული გამოწასკვული სიცოცხლისეულ ნართულში.

შოთა ბოსტანაშვილი გარკვეულ წილად ფილოსოფოსიცაა, იგი მიუთითებს გერმანული იდეალიზმის დამაარსებლის გეორგ ფრ. ჰეგელის შემეცნებისეული ფორმების კლასიფიკაციაზე ხელოვნების სათანადო დარგებში და თავის ინგლისურენოვან კომენტარში (ხსენ. შრომა) განსაკუთრებით აღნიშნავს სიტყვის სიმბოლურსა და ფიზიკურ-ემოციონალურ სემანტიკას. ჩვენ სავებით ვიზიარებთ განსვენებული კოლეგის აზრს, რომ არსებობდა და არსებობს გარკვეული სიძნელე კონკრეტულ ტერიტორიას მოკლებული ერის არქიტექტურული ფენომენის ჩამოყალიბებაზე, რაც ესოდენ მკვეთრად იხატება ძველ-ეგვიპტური, ბერძნული, ჩინურ-იაპონური და მუსულმანური არქიტექტურის ტიპაჟების ფონზე. იყენებს რა ძველ ქართულ წყაროებს, როგორცაა „ქართლის ცხოვრება“ ვახუშ-

ტისეული „გეოგრაფიული აღწერილობა“, შუასაუკუნეების ნარატული წყაროები და ახალი დროის მოგზაურთა ცნობა — ჩანანერები. ფაქტიურად საქმე გვაქვს საქართველოს ებრაელთა სამოსახლოების ენციკლოპედიური აღწერის მომცველობასთან. რაოდენი ენერჯის პატრონი უნდა ყოფილიყო შოთა ბოსტანაშვილი, რომ ფეხდაფეხ მოეარა ყველა ეს ადგილი დაწყებული აბასთუმნიდან და ხოტევიტ დამთავრებული. შეესწავლა და ანალიზი გაეკეთებინა სალოცავებისა და სასაფლაოების ადიგენში და ნილკანში, ახალდაბასა და ქუთაისში, ონში და მუხრანში, აწყვერსა და ცხინვალში, მჯოვისასა და ბანძაში, ბათუმსა და ბრეთში, თამარაშენსა და ზემოხობაშენში და სხვაგან.

საერთო ჯამში სამოცამდე დაბა-დასახლებაა გამოკვლეული და ჩვენთვის პირადად ნიშანდობლივია თითქმის ათასწლიანი ლიალამის ძველი ბაგინას (სალოცავის) წარსული, ბედი. იგი ხომ ჩვენს ძვირფას მეგობრებთან განს. ლერი და სოსო შიმშილაშვილების ინიციატივითა და თანხლებით დავათვალიერეთ, ასეთი ძველი მონუმენტების აღდგენის საკითხიც დაისვა, რაზეც შოთასთან საუბრებშიც არაერთხელ შევჩერდით. ყველაფერი საბოლოო ჯამში ფულადი და მატერიალური სახსრების მოძიებისა და სათანადო ფონდების შეკრებამდე დაიყვანებოდა. და აი, შოთასეულ აღწერა-ფოტოგრაფიებში ჩვენ საფლავის ქვების სიმდიონის ვანყენებით და შევიგონებოდა. გარე-შემომდებარე სიმწვანით გადასერილი ველები, აღმართული სვეტები, სიმეტრიული დეკორაციებითა და ფაქიზად ამოტიფრული ასო-სიმბოლოებით. ადამიანთა სურათები, კაცი და ქალი, თეთრი მარმარილოებით გადათქვერილი ზედაპირები, გალავნების რიგი. რაოდენ იცვლება საფლავის ქვათა სტილი მოყოლებული ახალციხიდან ქუთაისის სუფუნას, კულამის მიმართულეებით, ასევე ჩრდილოეთისა და აღმოსავლეთისკენ. ამ მხრივ შოთა ბოსტანაშვილი საქართველოს ებრაელთა სალოცავებისა და სასაფლაოების მესაიდუმლედ გვევლინება, მათ ამამეცყველებლად, დამატებითი შტრიხი, რომელიც ჩვენს პირად ურთიერთობებს აპირობებდა და ავსებდა: 1991 წელი, ღამის 10 საათზე გადასი მატარებელი თბილისი-ბაქო. შოთა სადგურისაკენ მიგვაცილებს, გზას გვილოცავს. მოგვიანებით ერევნისაკენ მოგვიწვევს გამგზავრება ეთნო-კონფლიქტებით აგონიზებულ ამიერკავკასიაში. ისევ ღამე, მატარებელი თბილისის სადგურზე ჩერდება, ვაგონის გასასვლელისკენ მივემართები, მძიმე რკინის კარი რაღაც სვედიანი ხვნებით იღება: ზღურბლზე შოთა ბოსტანაშვილის მომღიმარე სახე ჩანს, მას რუბენ ენუქაშვილი ახლავს. ოდნავ ვნაღვიანდებით, რომ ისევ შენუხდენ და გაისარჯნენ ღამით სადგურზე გამოსვლით. შოთა ისევ მიღიმის, თითქოს მაგრძობინებს, ეს ჩვენთვის ბუნებრივიაო. და ასეც იყო ეს სინამდვილეში. შოთა ბოსტანაშვილი — შესანიშნავი მკვლევარი, მეცნიერი, პედაგოგი, არქიტექტურული ლირიკის შემოქმედი, ბრწყინვალე მეგობარი და უპირველეს ყოვლისა — ადამიანი. დაუტკბეს მას მისივე საფლავისეული მინა და უკვდავება მის სულს.

თელ-ავივი/თბილისი აპრილი, 2014

დაგფუპნეპელი და რეპისტრირეპულია რედამტორი


გამომცემელი: ქ. თბილისის მთაწმინდის ბურაბ ბათიაშვილი

გურამ ბათიაშვილი, კოტე აბაშიძე რაიონის სასამართლოს მიერ.

თბილისი, ლეონიძის 11^ბ, იმერ.

ტელეფონები: 299.90.96, 277.20.57 რეპისტრაციის № 4/1-921

ISSN 1987-8982 UAC 070 411.16 8-557

 9771987898003